

180.137

10606 42

部=12



創修臨澤縣志

卷貳

高一涵署





臨澤縣志目次

建置志

縣城

縣署

倉庫

寺觀

民族志

漢族

戶口

生活狀況

宗教

方言

風俗

開化之程度

藝術之嫻習

民生志

衣服

飲食

臨澤縣志卷二

目錄

一

蘭州俊華印書館印

住所

道路

平民工廠

因利局

農貸

水利志

河水

泉水

各渠長度流向

水利牌文

水利計劃

森林

民政志

縣政府

警政

自治

保甲

民團

司法



禁政

賑恤

計政

財賦志

田賦

丁銀

倉儲

義倉

稅捐

地方款

公債

金銀漲落表

臨澤縣志卷二



目錄

一一

蘭州俊華印書館印



臨澤縣志

建置志

臨澤居於祁連合黎二山之間位於甘肅西部蜂腰地帶當黑河上游雖僻處河西實有屏障甘肅之勢自漢初置縣以來凡城池之創修官署之改建以及積貯之所藏與夫學校郵舍寺觀之建設或爲前人創修或爲後人所因條列無遺庶使興者不廢廢者可復興耳述建置

縣城

縣城舊爲民堡乾隆十八年改設通判二十三年通判高沅領帑建修周一里七十二丈高二丈五尺厚二丈二尺東西二門重圍樓櫓畢具東門額曰東作城樓額曰憑陵黑水金湯鞏固半壁長城西門額曰西成城樓額曰雄峙天山西陲保障玉塞屏藩清光緒二十一年通判文棋重修西

臨澤縣志卷二

建置志

一

蘭州俊華印書館印

門壕墻民國十六年地震据墻垛口大半坍塌縣長方光策籌銀洋二千圓令飭邑紳韓國棟李登瀛魯秉禮馬永駒等鳩工庀材十月動工十七年五月竣工現今恢復舊觀

解署

縣政府在城內西北隅乾隆二十一年通判格爾斌請帑建修二十三年通判高沅續修光緒二十六年通判周鼎泉因年久傾圮補修原日大門三楹大門內東邊坐南向北房一間套房一間爲二棚行政警察室坐東向西神祠一間福德祠門一間又坐東向西房三間西邊爲一棚行政警察室坐西向東房三間爲三棚行政警察室福德祠門內坐北向南神殿三楹東廊房三間西廊房三間戲樓一座東南隅陞官樓一座民國十六年改明恥樓通俗書報社二門三楹嗣用甄修額曰維新一門內坐東房





七間爲第一科徵解處教育股室坐西房七間爲辦公處第三科建設股所居大堂三楹今改中山堂堂東庫房二楹堂西庫房二楹大堂內東房三楹爲傳達處西房三楹爲棚長室二堂五楹東一楹爲會客室西一楹爲收發室二堂內向南上房五楹號曰三堂爲縣長住室東西房各三楹爲科長室二堂東北隅馬神廟一間廚房三間馬棚俱全此係民國二十四年以前之設置二十五年冬因遭兵燹拆毀一部二十六年秋縣長王存德召工補修二堂改爲辦公廳之東西兩旁爲各科住室及警佐住室改易二門門額維新而爲管教養衛福德祠內概行改修現住國民兵團人員城內各商舖經念五之兵燹焚燬幾盡商民困苦無力修復

### 司法公署

民國十六年司法官景國柱假縣府西花亭舊址成立司法公署署門兩

邊爲司法傳達室門內向東房五間爲書記監書記室向南房三楹爲審判庭入後向南房三楹爲審判官住室向東廚房兩間民國三十年審判官林振華向南另築前門三間其地址係舊日之看守所復從新建築看守所於城內西南角

### 國民兵團

民國三十年秋季在縣府馬號地址建築

### 縣黨部

在舊日蓼泉書院內中山堂三楹坐北向南宿舍六間坐南向北宿舍六間大門三間內附設臨澤縣新生活運動促進委員會

### 蓼泉鎮公所

在縣城東關原日教育局遺址內轅門一間屏門一間鎮長室三間職員



辦公室三間中山堂三間廚室工友室五間

蓼泉中心小學校

在縣東關與鎮公所毗連甬門三間屏門一間校役室三間傳達室三間  
職員室五間招待辦公室五間教室九間學生宿舍二十間樓房五間上  
為春秋祭丁室下為學生畢業禮堂廚室六間廁室四間民國八年縣長  
沈炳文勸學所長韓國棟會計員馬永駒高級小學校長閻興雲教員趙  
國瑞等建修

培根女子小學校

在縣城東關蝗蟲廟遺址建設教室三間宿舍一間

郵政代辦所

在縣城東關商號內附設

臨澤縣志卷二



建置志

三二

蘭州俊華印書館印

保衛團商會

均在縣城東關關帝廟內附設

倉

臨澤倉

在縣城內乾隆二十八年通判高沅領帑建四十二年通判博敏增建

平川倉

在本堡內乾隆二十八年通判高沅領帑建四十二年通判博敏增建

沙河倉

在沙河城內乾隆二十八年通判高沅領帑建四十二年通判博敏增建

庫

在縣府中山堂東邊一楹西邊一楹



田賦管理處

民國三十年十一月成立縣長兼處長章金瀧在國民兵團地址建修縣府辦公廳四圍田管處辦公室十間

電報局

民國二十七年二月奉交通部電成立臨澤報話營業處二十八年奉電改組爲臨澤電報局在縣政府對門內主任辦公室一間候話室一間鐵工住所一間局役室一間防空哨所檢定分所均附設於內

寺觀

關帝廟在縣城東北隅明建清乾隆二十年通判吳國柱率邑士喬大臣等重修幕賓班爵碑記今設臨澤培根女子小學校

圓通寺

臨澤縣志卷二

建置志

四

蘭州俊華印書館印

在縣城東北隅明建清乾隆二十八年通判高沅重修置義學有碑記光緒三十年會首張有華等募修地藏殿

城隍廟

在縣城中乾隆三十一年署通判瑪郎阿建同治八年土匪攻城頗顯靈異光緒九年蒙陝甘總督譚鍾麟奏封靈應侯欽賜靈昭五堡匾額光緒二十五年通判余人駒命禮書閣大典兵書張有華重建寢宮一所戲樓一座

觀音堂

在縣城中明建嘉慶二十一年會首李元興趙進福各施地基募修

文昌宮

在縣城東關光緒八年通判杜恩培率文生馬恆乾韓國棟李發春鄉約



馬庸乾建

關帝廟

在縣城東關清乾隆己酉建道光九年商民喬進惠增修有碑記光緒三  
年邑人魏延成等補修內設商務會處王廟在縣東關清光緒五年建今  
改設中山小學

龍神廟

在縣東關清光緒五年渠衆趙五通馬宗範趙延忠等重修

仙姑廟

在縣東關明建同治初年軍隊駐紮撤毀光緒初年邑人魏延成等募化  
重修民國十年邑人管生瑞等重修

三教樓

臨澤縣志卷二

建置志

五

蘭州俊華印書館印

在縣西關明建同治初年軍隊駐紮撤毀光緒初年邑人李發資募修

積福寺

原名上帝廟又名無量廟在縣西關明建同治軍隊撤毀光緒初邑人魯  
登福等重修上殿三楹陪殿六楹十五年邑人韓錦文王志成趙興春等  
續修陪殿三楹香房六楹山門三間戲樓一座

火神廟

在縣西關清建同治軍隊撤毀光緒三十年會首閻大典張有德募修

牛王宮

在縣西關清乾隆三十七年邑人喬大臣郭建緒劉士緒等募修同治初  
軍隊撤毀光緒十五年從九韓錦文馬宗明等重修

城隍行宮



在縣西關清道光中建同治軍隊撤毀光緒十六年通判程敏達籌款命倉書羅萬卷禮書閣大典兵書張有榮監工重修

### 三官樓

在縣西關乾隆二十三年通判高沅建同治初軍隊撤毀光緒三十一年通判周鼎泉籌款飭邑紳牛化麟魯秉禮鄉約張有榮築臺民國三年縣長沈濤籌款率邑紳韓國棟李發春飭房班趙學吉智永昌李國賢等建修

### 閃佛寺

在縣東南九十里一名響山寺清康熙間山鳴自開中有佛像因建寺焉同治四年被賊匪燬於火光緒六年邑人尙芳林薛得善寺主金法召藍僧官李高僧顧高僧張高僧等募捐重修

## 臨澤縣志卷二

建置志

### 康隆寺

地址南山內黃番大頭目家在縣東南二百二十里

### 青龍寺

地址南山內黃番羅兒家在縣南一百九十里

### 紅灣寺

地址南山內黃番八個馬家在縣西南二百八十里

### 金嵯寺

地址南山內黃番伍個馬家在縣西南二百一十里

### 大佛寺

在沙河鎮距縣城東南四十里清同治匪變燬於火光緒十五年農官顧居善監生岩積招王增秩文生尹探元等捐募重修



關帝廟附文昌樓觀音樓

在沙河鎮距縣東南四十里清同治中兵燹燬於火光緒八年附生王得善監生梁福祥等捐募重修

靈應寺

在縣東南四十里藍家堡內清雍正十三年監生宋明等修建道光四年紳士張登第監有益募捐重修同治中肅匪燬於火十三年通判孫承弼捐貲募化重修

上帝廟

在明麥堡距縣城東北七十里明萬歷間建清道光初年重修

七聖宮

在明麥堡距縣城東北七十里明嘉靖年建道光中年重修

臨澤縣志卷二



建置志

七

蘭州俊華印書館印

仙姑廟

在縣屬柳樹堡邊城內距縣城東北三十里

漢武帝元狩二年驃騎將軍霍去病奉令征討匈奴渾邪王於邊外師回為黑河所阻渾邪王率精兵萬騎圖掩襲方惶迫間見緋衣婦人指揮前導由橋過河縣屬柳樹堡及渾邪王至橋婦人皆不見霍將軍方知仙姑苦

薩靈佑遂奏武帝大其廟

節錄仙姑廟碑記

楊楷題仙姑廟四首

黑水波翻恨未填梁成恰值道成年媧皇也是人間女鍊石還聞手

補天

此身豈等擲鴻毛入水纔迴萬頃濤漫道昭君青塚異祇今遺骨鎮

空壕



河邊竟渡霍嫖姚幻起雲中挂鵲橋縱鑄金人成底事昆邪無計詔  
天驕

艷說西方彼美多合黎山畔伏妖魔漢封夏册非崇誕海有靈妃江  
有娥

閻良廟

在縣東北五十里明洪武年商人閻良施與不倦士人德之良歿卽所居  
奉祀今俗號閻良寺云

閃佛寺

在縣城西南百里一名响山寺康熙年山鳴自開中有佛像因建  
無量廟

在縣城西門外明隆慶六年建清乾隆七年會首王珂等募貲重修

臨澤縣志卷二



建澤志

八

蘭州俊華印書館印

牛王宮

在縣城西門外乾隆三十四年建

上帝廟

在縣城西舊有香火地九畝今改草廠

老母殿

在縣城東南祁連山民國二十七年建又稱南武當山



民族志

(總理遺教)民族成立的原動力有五  
一血統二生活三語言四宗教五  
風俗習慣臨澤四萬八千五百餘人  
完全是漢族血統相同語言相同宗  
教相同風俗習慣相同完全是一個  
民族至襄屬平川守備管轄之北山  
少數蒙古人及梨園都司管轄之南  
山少數黃番自民國初年守備都司  
裁撤後縣府對蒙古人黃番無權管  
轄茲述民族於左

漢族

漢族或土著或移徙其移徙時期約  
有三漢武帝隔絕南羌匈奴徙關東  
之民於此以實之此其一元世祖中  
統二十三年八月遣蒲昌民墾甘州  
閑田按元日州路此其二中統二十九  
年徙沙州民置甘州耕墾此其三乾  
隆四十二年十一月派撥撫綏廳即今縣  
戶民赴廸化州古城等處屯田見甘州府志

臨澤縣志卷二

民族志

九

關州俊華自書前刊

戶口

全縣共六千五百三十四戶男女大小丁口七萬三千五百一十七名清

光緒三十四年採訪

第一區戶數一千八百四十四戶口總數一萬三千一百二十九男七千二百七十四女五千七百五十五

第二區戶數一千五百八十九戶口總數九千二百八十三男五千一百八女四千一百零三

第三區戶數一千四百五十二戶口總數八千四百六十八男四千七百五十四女三千七百一十四

第四區戶數一千二百零二戶口總數六千五百六十三男三千九百八十七女三千五百七十八



第五區戶數一千九百三十五戶口總數一萬七千二百七十一男一萬一千四百五十四女五千八百一十八合計戶數八千零二十二戶口總數五萬四千七百一十五男三萬二千六百四十九女二萬一千九百六十八

民國十八年自治戶口調查

臨澤縣自治區村戶口調查表

區	數村	數戶	數戶口總數	男	女	備考
第一區	一一	一八四四	一三一二九	七二七四	五七五五	
第二區	一一	一五八九	九二八三	五一八〇	四一〇三	
第三區	一一	一四五二	八四六八	四七五四	三七一四	
第四區	一三	一二〇二	六五六三	三九八七	二五七八	
第五區	一一	一九三五	一七二七一	一一四五四	五八一八	

臨澤縣志卷二

民族志

一〇

蘭州俊華印書館印

合計五七村八〇二二五四七一五三二六四九二一九六八

民國三十年全縣設立五鄉一鎮茲將十一月調查所得保甲戶口數列

表如下

鄉鎮別	保數	甲	數戶	數		口		數備																			
				男	口	女	口																				
合	計	六	四	六	六	〇	七	四	四	六	二	四	一	五	九	二	四	三	六	九	四	八	五	二	八		
板橋鄉	八	八	九	九	四	八	二	二	二	五	二	九	七	九	五	二	〇	四									
鴨暖鄉	九	八	五	九	五	一	三	七	四	二	三	八	三	七	七	五	七	九									
威狄鄉	一一	一	一	〇	一	三	〇	六	四	七	四	七	四	五	二	一	九	二	六	八							
平川鄉	一一	一	一	八	一	二	六	六	三	五	二	〇	三	六	一	二	七	一	三	三							
沙河鄉	一三	一	三	四	一	五	三	八	五	〇	三	一	四	六	八	五	九	七	一	六							
蓼泉鎮	一二	一	二	四	一	四	三	七	四	八	九	四	四	七	三	五	九	六	二	九							



按清以前戶口無案可稽光緒三十四年所採訪之戶口數係房吏造報民國十八年自治人員調查之數較爲確切民國三十年十一月戶口總復查其數尤爲準確與民國十八年相比較竟短六千一百八十七口

生活狀況

農工商礦林牧

本縣人民以農業爲主紡線織布絨褐或編織毛衣及草帽編爲農村之副業工則木工鐵工泥水工毡鞋工織蓆工按日計值以事俯蓄商業方面僅縣城沙河四堤威狄堡四處設有小舖二十餘家均係小木經營販賣土產資本千元者數家而已南北山之煤炭蘊藏豐富惟北山之無煙煤(俗名金花煤)品質極佳除本地需用外多運往張高酒等縣銷售開採

臨澤縣志卷二

民族志

一一一

蘭州俊華印書館印

無多現開採者僅岔里河大小肋堤羊腸溝洪溝杏樹溝茨窩泉等處概用上法產量甚少又以交通關係未能大量運銷關山河上游有少數客商開採金礦亦不暢旺銀銅鹽硫黃碳硝皂礬灰石等礦亦富除少數皂礬灰石碳硝外餘未開採至樹林牧場其大者在南山再縣城附近及各鄉空地均植有狹小樹林牧牛羊者多在黑河兩岸因牛羊無多

方言

喧慌即發開孽障可扯閑淡即夾米欵即淡打拉即安紅火即熱絮

縷索絡即哆哩哆囉即隔里隔拉即那里呢即大爹即伯大

媽即伯爸爸即叔嬌嬌即叔婆婆即婦挑擔即翁翁即那謨那即

那里客即何處塌是標即吾離吾拉即夜裏各即黑了即天亮

明也即天霉鬼即浸死鬼即腐迷鬼即喪門神即邵得里即震一把整即



也 瞎的恨 俗以不好為瞎 娃娃 嬰孩之謂 坐席 俗謂吃酒席也

### 宗教

信仰佛教者佔全縣人口五分之一二信孔道耶各教者共五分之三大乘會三陽會皆佛門信徒之得道者所創設入大乘會者不茹葷名曰清齋所誦之經為五部六册入三陽會者忌食五大葷有諺云天上斑鴿鴈地下魚鼈蝦是也其經旨與大乘會相似無非勸人改惡為善因果報應之類並無政治意味

### 風俗習慣

士風誠樸耕讀兼資 農服勤勞謹蓋藏不事侈靡工無奇技 商少列肆敦族洽鄰好善樂施惟春祈秋報演劇跳巫積習相沿近於浮靡俗不好訟鼠雀之微多首與地方頭領排解不平始控惟繼嗣婚姻田房渠務

## 臨澤縣志卷二

民風志

一一一

臨州俊華印書館印

諸事多起訟端立繼多不書據且每於歿後題主俗云開門又云頂門田房多典歲常支撥又轉易數典輻輳滋多渠水為收穫豐歉所關時刻早晚皆所必爭

春正月元旦各家門首懸彩燈貼春聯相互拜年晚輩對長輩行跪拜禮元宵前後三夕各街張燈男女游觀三月清明城隍出府至行宮演戲男女掃墓陳供養焚楮錢以奉祖先

夏四月八日河北仙姑廟盛會男女前三日乘車馬赴會進香至日尤盛五月端午節各家門首插楊柳棗枝飲雄黃酒食米糕六月六日各家採百樣草以備洗浴可治疥瘡

秋七月中元節薦新焚楮錢祭祖先八月中秋節陳瓜果獻月餅謂之團

### 圓節



冬十月朔日仍薦新焚楮錢於路旁以祀祖先十二月二十三日夜間各家陳糖餅祭竈神除夕日祭祖如前儀深夜時用木杓盛醋取燒紅石頭放在醋杓內各房打掃除邪穢謂之打醋湯

### 婚禮

舊俗尙簡或幼而訂親或長而擇配男家先行合婚後爲納采厚則棧布紬緞各丈餘必須雙數或僅棧布十對制錢四十串或三十六串近年生活程度稍高多以銀洋迎娶之日婿乘馬迎親以綵飾輿往女家行奠雁禮女家請親友以送謂之送親男家設酒饌以宴謂之會親兩家親友各餽禮物富者宴會二日貧者宴會一日

### 喪禮

從儉樸凡值父母臨終之日親戚畢至棺槨衣衾稱家有無期功以下

## 臨澤縣志卷二

民族志

一一一

蘭州俊華印書館印

皆穿孝服女子嫁後遭父母喪衣履皆素三日首七延羽流諷經追荐及葬之日族鄰昇親及室孝子哭於前婦女泣於後親友皆素服相送並延羽流鼓吹導引

### 祭禮

士庶祭享以主房作影堂奉祖禰神主五服內或同一老墳清明中元攜香帛酒饌祭於其墓或祀羊豚此外每逢佳節朔望隨時設享於影堂

### 開化之程度

臨澤自漢初置縣之際已被王化人文蔚起代不乏人鄉前輩秦國英宦遊歸來優居林下著有四書講義曾掌天山書院二十年迄今風俗敦龐家誦戶絃范士玉范希賢顧正王繼志申大振諸人或處或出文章事功皆有所考將帥之犖犖者如宋玖駐防廣西苗匪作亂屢立戰功侯鎮遠



勇力絕倫乾隆初川陝教匪作亂率兵剿滅屢戰有功宋元庠沈毅有膽略隸陝甘督標拔總時黑番不靖諸將素服其勇共推之元庠技精運矛如飛奮勇先登俄舉矛桿一揮羣番頽然仆地清時士之得科名設館教徒大半皆理農業民國成立以來國內外大學畢業者多投身軍政各界本縣小學林立輸入新文化保存舊禮教長此以往臨澤文化不難蒸蒸日上矣

### 藝術之嫻習

#### 樂器

白周鄉善彈七絃琴蓋其聚精會神習之也久矣工漢隸並繪山水

#### 校射

前清臨澤武科名最盛解元智熙舉人韓世奇魯秉禮能以硬弓射鵠宋

## 臨澤縣志卷二

民志

一四

蘭州俊華印書館印

宏量因善射授武德將軍

#### 書法

清乙卯科舉人李文學書入晉人之室魄力沈雄甲午科舉人申大振書法圓潤得力於松雪雲峯者居多乙酉科拔貢王廷桂筆勢剛方華山碑之堅實西峽頌之疏盪兼而有之

#### 算術

韓錦文字綱堂精算術工書法城鄉各廟宇之匾額韓書者尤多長於拳術能敵數十人品端行潔里中咸稱一鄉善士

#### 美術

牛石菴本城東關人性好靜善畫丹青人物花卉翎毛魚類用筆極細曹庭槐明麥渠下號人性謹厚寡言笑工於畫神像精緻可觀



醫術

寶彪四埧堡人性古樸老成持重術精外科專治各種瘡疔剋肉用藥立見奇功凡跌打損傷接骨卽愈里人贊之其長子九洲尤精內科

溫憲惠平彝堡人棄儒習醫研究二十年之久精內科長於治傷寒診脈時能預斷人生死清咸豐年間甘州城內有重病來請者一經療治立見奇效

喬中選字子青幼習醫術精內科性仁慈治病不擇貧富有延者風雨不避危急症徒步以往貧寒家不取脈資並贈藥以濟之同治九年調赴甘州與楊提師及夫人治療雜疾又治過境大員均有神驗

賈永秀字子清板橋堡人精醫術純以濟世活人爲心凡診病不論貧富概不受脈資精內科屢治屢效鄉黨稱之民國十八年縣令委平民醫院

臨澤縣志卷二

民族志

一五

蘭州俊華印書館印

院長

程萬錦居本城東關清光緒初任撫彝廳醫官能繼父志精醫術小兒疹痘一經療治卽愈人稱爲三世良醫

程仲明字鑑堂幼讀詩書長承家訓精醫道濟世活人實良醫也曾充本縣醫院院長

黃番

黃番住甘肅境內者稱黃番又名熟番係古西喇古爾黃番蒙古裔也居於祁連山之北麓清時屬梨園營都司管轄者共七族卽羅爾個家五個家東八個家西八個家楊夏家四個馬家大頭目家年貢茶馬代納草頭稅如遇盜命案件則由本縣處理自民初都司裁撤後關於該族戶籍案卷移歸縣府保管未明令指定管轄之權而番族深居山內政令無由宣



達致與政府隔閡各族設頭目一人係世襲制七族設大頭目一人統治之分佈區域甚廣其疆界東爲東措口河西至鐵里岡大板南至浩疊河(即大通河)北至思蔓處(距梨園口五公里)山脈縱橫駢列勢甚雄偉凡山谷溪餐河岸土石相混之地無不叢生松柏金鐵銅煤等礦蘊藏饒富氣候大都嚴寒如遇陰雨雖盛暑必着皮衣能墾之地隨處可見惟以人口稀少資力不充多未墾植現墾成之地僅大板山口橙槽山口阿吉峽水關口長溝洪院寺轉輪寺等處土地至爲肥沃惟番民習尙游牧逐水草而居罔事農業

### 黃番生活狀況

或種田或畜牧暖衣布褐寒衣皮毛饜殮湮酥居則帳房架木爲屋者甚少

## 臨澤縣志卷二

民族志

一六

蘭州俊華印書館印

### 黃番宗教

崇信喇嘛教如康隆轉輪水關口長溝金窩洪院寺等佛寺之建築規模雄壯

### 黃番風俗

番俗輕貧弱重富豪富豪之家侵漁小民如僕隸故貧者日削富者日強私饋皮幣曰手信歲時加獻曰添巴

### 蒙古

自縣城至白鹽池一百九十里地方響隸於縣屬平川營管轄地瘠山童不適於農其人爲蒙古族以游牧爲生活隨畜荐居其畜牧以駱駝羊爲主牛馬次之以氈爲廬以皮毛酥油茶等物易漢族之米粟而食之人性好勇俗安簡陋均奉喇嘛教漢人與之來往者僅養駝之家



民國二十八年縣府在康龍寺番地設有羅兒家小學一所民國三十年縣長章金瀧爲明瞭該校狀況及番民情形以爲設施整理之根據並爲溝通漢番民族感情起見經派科長章金渤代表前往該地考查並慰問附縣長章金瀧整理南山番地計劃

### 一 沿革

查黃番（青海所轄番民稱黑番又名生番住甘肅境內者稱黃番又名熟番）居於祁連山之北麓共計九族係西喇古爾族蒙古裔也於明季天啓時其酉插漢率族南侵游牧於合黎山以水草缺乏六畜不蕃遂栖息於祁連山於崇禎元年建堡梨園設官防守康熙時噶爾且脅從叛變迨噶爾滅後番屬久經兵燹生計窮苦傾心歸誠遂分爲九部落劃撥牧地安插各族設置頭目均係承襲世職亞拉個家呼浪個家一族分佈區

## 臨澤縣志卷二

民族志

一七

臨澤縣志印書館印

域統由肅州管轄惟羅爾個家五個家東八個家西八個家燕個家四個馬家大頭目家等七族屬梨園營都司管轄年貢茶馬代納草頭稅如遇盜命案件則由本縣處理自都司裁撤後關於該各族戶籍案卷移本縣保管未明令規定管轄之權且番族深居山內政令無由宣達致與縣府隔閡相沿多年陷於無政府狀態七族由大頭目一人統治之

### 二 地區形勢

番地位於本縣之南距縣城四十五公里其疆界東至措口河與唐烏武番族牧地接壤西至鐵里岡大坂與亞呼二族牧地毗連南至浩疊河（即

大通河）

北至思蔓處（距梨園口五公里）全區面積約等於全縣面積二

分之一東西約一百餘公里南北約一百八十八公里（因未勘测故面積尙不精確）山脈係由西北蜿蜒傾斜東西縱橫駢列勢甚雄偉山之名



稱均以各族族名名之。境內縱橫均有羊腸騎道。南涉挖斷河（又名甘州河，即黑河之西流），越雪山可達青海西南。過黃達子峽，以通洮、賴、索、賴等川。東經二寺而達黃成灘。西越毛爾刺大板，可達高台縣屬之祁連山。鄉黑河、响山河、擺浪河等均發源於祁連山。由境內經過雪山，多係岩石構成。經冰雪之融蝕，多成礫石。其他各山均係黃土，雜以卵石。雪山附近氣候過低，山頂四時積雪。夏日非重裘不暖。前山氣候較溫，林礦均饒。水草豐茂，能墾之地隨處可見。惜番族人口過少，逐水草而居，不事農業，以致廣大荒漠無人經營，地方未闢，殊爲憾事。

### 三 民族

黃番七族係西、賴、古、爾、蒙、古民族也。

### 四 人口

清初安插時，七族共有帳幕千餘頂（番民帳幕一頂等於漢族一戶），人口計六千一百三十七人。因素不注重衛生及迷信喇嘛教等關係，以致人口減少。現有人口男女僅一千餘，帳幕三百頂左右而已。

### 五 風俗習慣

番族民性驃悍，男多事游獵，女能耐勞吃苦。家庭權利操之於主婦。迷信極深，婚姻絕對自由，喪後將屍體棄諸山澗，名曰天葬。輒延喇嘛誦經，名曰超度。對於衛生極不注意，一遇疾病即延僧念經祈禱。多男者留一主家，餘均送入寺院爲喇嘛。與人饋皮幣曰添巴，送布帛曰哈達。因常與各縣民衆交易，男女均熟習漢語。

### 六 宗教信仰

番族無論男女，概信仰佛教。並有奉祀山川之神者。對於寺院建築莊麗。



喇嘛（俗稱活佛）權威高於一切雖頭目亦俯首聽信

### 七 生活狀況

番民習尚游牧逐水草而居不事農業渴飲乳酪飢食牛羊藏粍間有食用米麵者多以牲畜皮毛向各縣易換

### 八 生產狀況

查番族以牧畜爲主過去畜養騾馬二萬餘匹牛四萬餘頭羊二十萬隻於二十六年春慘罹兵燹後牲畜損失過鉅對於衛生防疫素不注重人畜死亡甚多現在所有者羊僅五萬隻牛四十頭馬騾八百餘匹年產羊皮八千張羊毛五萬斤他如鹿茸麝香狐狼豹皮林木等均爲駐軍所統制至礦產藥材及墾種田畝又爲漢回民族經營

### 九 物產

## 臨澤縣志卷二

民志

一九

蘭州俊華印書館印

查番地物產甚爲豐富茲將森林畜類食糧藥材礦產等類概況分別於後

甲畜類 查番地境內頗多草原水草暢茂最宜畜牧除騾馬牛羊外在深山野谷中又多狐狼豹獐鹿羚羊等野獸皮角麝香甚爲寶貴

乙森林 番地林木極爲饒富凡黑河响山河兩岸及山谷溪壑間土石相混之地無不叢生松柏林場面積較大者以暢岡河柏木林場照能王樹大小黑溝等處爲最其狹小之林場遍地皆是均係天然林前清時爲保持水源嚴禁砍伐並於甘州提署鑄有鐵牌懸爲厲禁迨後禁令廢弛無人保護近年以來森林操於駐軍濫事採伐影響水利甚鉅其林場之面積及林木之疎密因係崎嶇小道無精確之統計

丙食糧 查番地水量充足能墾之地所在皆是惟以人口稀少資力不



充多未墾闢現開墾能耕之地僅大板山口阿吉峽小關口長溝寺洪院寺轉輪寺等處其數甚少年產小麥青稞二千餘石（新市斗）土地極爲肥沃如能力謀經營能墾良田十萬畝而耕農多係臨澤人高台人次之

丁藥材 查番地所產藥材甚夥如野當參黃耆柴胡羌活獨活芽香荆芥益母草麻黃木澤枸杞等均有相當產量其中尤以羌活爲出產之大宗年產尙在五百擔以上惟以人力有限交通不便多半萎棄於地

戊礦產 南山煤炭蘊藏豐富羊腸溝洪溝之煤品質極佳除供本地需用外多運張高等縣銷售惜多未開闢現在開採者僅岔黑河大小肋把羊腸溝洪溝白泉等處概用土法產量甚少又以交通不便未能大量運銷响山河等經過區域又饒金砂現開採者多在該河之上游礦工二千人其他各處尙未開採他如銀銅硫黃礆硝皂礬灰石等礦亦富惜無人

臨澤縣志卷二

民族志

二一〇

蘭州俊華印書館印

開採各礦儲藏量無法估計

### 十 整理意見

查番地區遼闊土地肥沃物產豐富水草暢茂最宜墾牧因限於資力及技術關係地利未闢深用慨然且番族文化標準太低政府無力保障致受奸商及特殊勢力之剝削壓迫其生計日趨艱苦今值環境好轉之際亟應設置特種區署負責管理啓導獎掖編查戶口實施政治訓練推行國民教育改良墾牧事業保護林場調整礦工組織藉以構通番漢民族情感如能全力經營逐步推進使番民漸有國家民族觀念以期進入農工業之社會匪特鞏固邊圉實爲增闢利源切要之圖也

甲擬設特種區署 查番地區廣闊距縣窳遠須設特種區署綜理管理行政一切事宜（臨澤尚未設區）因事利導力謀發展庶於番民方能得到



確實有效之保障而教育衛生墾牧等項亦可得到逐步推進之宏效

一區署地址 查洪院寺位於崑山河之北岸居番地之中心又為皮毛牲畜藥材之聚會地點且附近多農田漢番民族醫集於此區署地址應設於洪院寺

二區署組織 查番地初步整理之際對於區署亟應擴大組織俾足負此重大使命茲依實際需要區署內應設正副區長各一員指導員二員技術員二員(分負畜牧林礦之責)醫官二員(一係獸醫)主任四員(分負民財建教之責)事務員三員僱員二員巡官一員區警三十名戶籍警一名工役三名

三人事 區署直隸屬縣政府區長由縣府遴選合格人員呈請省府委派副區長由番族大頭目充任由縣府遴選呈請 省府委任之

臨澤縣志卷二



民族志

一一一

蘭州俊華印書館印

技術員醫官巡官由 省府指派指導員事務員僱員由區長遴選呈報縣府加委轉呈 省府備案

四經費 查區署月需經費以整理番地財源開支為原則區長以下職員薪俸應比照縣政府科長科員等待遇支給惟技術員醫官係屬專門人材應增高待遇茲按實際情形列經費分配表如下  
甘肅省臨澤縣特種區署員額經費分配表

職別	員額	月支經費	年支經費	備考
區長	一	一二〇元	一、四四〇元	
副區長	一	一〇〇	一、二〇〇	
主任	四	三四〇	四、〇八〇	每人月支洋八十五元
指導員	二	一七〇	二、〇四〇	全右



技術員	二	四〇〇	四、八〇〇	每人月支洋二百元
醫官	二	四〇〇	四、八〇〇	全右
事務員	三	二二〇	二、五二〇	
僱員	二	一〇〇	一、二〇〇	
巡官	一	八五	一、〇二〇	
警長	一	五〇	六〇〇	
區警	三〇	五二〇	六、一二〇	<small>一級警月支二〇元二級警月各支一八元三級警十八名月各支一六元</small>
戶籍員	一	四〇	四八〇	由縣府委派之
戶籍警	三	二〇	二四〇	以漢人一番人二充任之
工役	三	九〇	一、〇八〇	每人月各支三〇元
辦公費		二〇〇	二、四〇〇	
合計		二、八三五	三四、〇二〇	

臨澤縣志卷二

五勞志

一一一

蘭州俊華印書館印

五警衛 查番地區廣闊對於境內警衛應由區警察隊負責維持惟入境內之哈薩遷徙無定行跡靡常往往嘯聚深山成羣結隊搶劫牲畜財物以致境內民衆驚擾不安非武裝警察不足以資鎮攝而維地方治安並請核發步槍三十枝子彈六千發

六民政 查番地設區之始番民對於政府不無懷疑應由縣長親赴南山召集各族頭目圈頭等會議宣示設區及中央關懷邊民之德意並派熟習番情人員會同區署職員各赴各族宣傳使番民明瞭設區管理之意義增進對政府信仰後舉辦戶口調查編組保甲推行政府改良舉收循序漸進始可有濟如操之過急勢必影響區政之推進對於區署各級職員尤應慎重遴選以謀番漢民族情感之融洽而達設區管理之



目的

七財政 查番地出產豐富在財源未整理前區署經費如由番民負擔殊失解除番民艱苦之道茲按番地實際情形擬定徵收區經費標準如下

子草頭稅 查七族黃民依清初舊例年向駐甘提督貢納馬八十三匹茶若干塊鹿茸麝香狐狼羔皮各若干近年以來茶馬雖已減少半數年向駐軍交納茶馬及額外供應當不在少數以窮苦之番民何能負此奇重之負擔今應按各族實際情形將各族原有稅捐予以分別核減徵收草頭稅使對政府增進信仰

丑地租 查高臨等縣民衆在番地耕種地畝雖無詳確之調查然依各地情形當在萬畝以上其耕種在五年者每畝着交納地

臨澤縣志卷二

民志

二二二

蘭州俊華印書館印

租小麥三市斗未滿五年者免收租麥并獎勵民衆墾荒以盡地

利

寅礦租 番地礦產極富金礦課金以往亦由駐軍徵收礦工一名年須交納課金一錢今後應由本府徵收備收充建設番區之專款其煤炭礦應按其工人及出產量年着收礦租充作區署經費

卯藥材皮毛出山稅 番地年產藥材皮毛甚鉅均爲肅甘等處

商人收買上項物品出山時每擔酌收出口稅移作區署經費

以上各項除草頭稅由番民負擔外其餘各項稅收均係取之於商人或農民與番民毫無苦累關於交納草頭稅若再比較往昔予以減輕番民斷無不傾誠感交者其實施辦法及徵收各稅數



額一俟設區調查明確後專案報核

八教育 查番地雖設有羅兒個家小學一所然以學生太少設備簡陋以致毫無實效今後應增加經費充實設備如收成效時並應在洪院寺增設小學一處逐步推廣以期小學教育普及於七族逐漸改良其禮俗及生活習慣

九建設 查番族於管理之始關於建設事業應視其緩急次第舉辦茲依實際需要舉辦者分述如下

子禁止砍伐森林 查林場區內多細流均注入黑河响山擺浪西大等河張高臨鼎等縣農田均藉祁連山雪水泉流灌溉如不保護森林濫事採伐則影響各縣水利匪淺今後對於舊有林場應特予保護以俟區政納入正軌獎勵番漢民衆提倡造林

丑整理水利 查南山種植地畝均藉响山擺浪等河河水灌溉如水利不加整理渠水漫流則影響下游水量

寅整理礦工 查南山金煤炭等礦雖由漢回民衆經營毫無組織似屬不合應依照法令調整礦工組織指導改良開採方法以增產量

卯改良墾植畜牧 查番民逐水草而居不事農業畜牧事業率多沿用舊習毫無改進影響牲畜蕃殖甚鉅今後應獎勵番民開墾荒地從事農業並指導培植水草改良畜牧事業以增後方生產

辰修築道路 查梨園口至洪院寺約六十公里由梨園至吊狼溝四十公里有大車道可以通行惟吊狼溝至洪院寺二十公里



僅有騎道不能通車依其沿途形勢除岔里河有二公里之石山  
修築大道工程較爲艱鉅外其槽林大坂庫隆大坂均係土坡易  
於施工如區署設置後應設法修築以利交通

十衛生 查番民對於衛生素不注重以致人畜死亡逐年增加今  
後欲謀番民之健康牲畜之繁殖應由省衛生處發給藥品區署醫官負  
責施行改良番民衛生防止獸疫蔓延

#### 附視察番地概況

#### 康隆寺番地

一地勢 該寺位於本縣之南距城約一百八十餘里處於祁連山  
脈支脈之間寺院數座頗多頽毀據云係受二十五年共匪之亂所致

二寺院情況 內有喇嘛數人並由青海塔爾寺派來喇嘛一名講

### 臨澤縣志卷二

風俗志

二五

蘭州俊華印書館印

授藏經徒衆二十餘均皆適齡學童類皆天真活潑惜爲迷信佛教所誤  
不願習讀漢文

三番族名目及散佈 居於祁連山之北麓者係古西刺古爾黃番  
乃蒙古裔分爲七族卽羅爾家五個家東八個馬家西八個馬家羊角家  
四個馬家大頭目家是也其散佈區域以康隆寺相距而論東至東八個  
馬家約二十里南至羊角家約二百里西至大頭目家約三十里又西至  
四角馬家約四十里又西至羅爾家約六十里又西南至五角家約八十  
里又西北至西八個馬家約八十里

四帳幕與人口 據民二十五年前之調查各族人口共計三千一  
百餘口帳幕四百八十餘頂二十八年之調查人口則爲二千餘帳幕四  
百頂此次調查所得人口數目不上一千而帳幕亦不過二三百頂之數



五組織與生活 各族有頭目一名統轄全族但保世襲制現爲某種勢力所束對於差徭賦稅供不應求亦將世襲制度打破改爲圈頭輪流擔任之意生活完全遊牧逐水草而遷徙渴飲乳酪飢食牛羊藏糶

六民情風俗 民性驃悍勇好田獵女耐勞苦家庭組織以女權最高一切操之於主婦男女奉佛迷信頗深婚姻絕對自由喪後付諸天葬醫藥不知衛生不講一遇疾病卽行祈禱復以迷信活佛多男者僅留一以主家餘悉入各寺院爲喇嘛該族人口之日益減少職是故也男女均習漢語與各縣民衆交易

七物產 除畜牧之牲畜羊共計約五萬隻牛共計約四千頭騾馬七百餘匹外則爲所獵之鹿茸麝香狐皮及各類野獸皮張藥材等至礦產則有煤炭渣子蘊藏豐富現開採者均爲漢回羅爾家五個家西八個

家等處間有開墾荒地轉入農業時期之狀態但漢回兩族諸多而天然森林在在皆是近爲某種勢力所關一切物產均皆統制而森林亦已典賣云

八教育文化 洪濟寺曾由顧喇嘛設立學校一所有學生十餘名本縣設立之羅爾家學校(原移康隆寺)據查歷年來皆屬有名無實蓋以該族人民散住帳幕遷徙不一尤以信佛關係只知讀藏經爲唯一出途俾來日藉諷懺以爲職

九審戶數目 經查該番地礦產豐富惟煤與炭尤盛計產炭區域有馬連溝三條嶺小列塢大列塢駱駝塢子潤城溝產煤區域有四馬口紅溝羊腸子溝產渣子區域有麼溝西大口但馬連溝三條嶺小列塢大列塢於民二十八年被張掖以開採優先權強佔四馬口則被高台強佔



羊腸子溝爲縣教育科所有每年納審租洋五百元餘則均爲私人集股開採有無賦課尙須查案清釐

十慰問情形 當到達康隆寺番地時已值晚間又逢大雨宿於設立之康隆寺學校內翌日將所備之食點哈達等物向該寺之喇嘛管事分別贈與和慰問卽囑該寺之管家代爲通知頭目

手函

尅日來寺藉資廣事宣傳及慰問意義無如衆頭目或途遠而未到

或懷疑而隱避或藉故而他往或畏某種勢力深藏不出至第三日陸續到來附近各族之圈頭副頭目等十數人於是改作個別之談話宣揚中央省縣政府愛護之至及現在國家大勢世界狀況曉以民族至上國家至上軍事第一勝利第一漢滿蒙回藏各族務須團結一致抵抗倭寇對於子弟應如何教讀使其知識開擴將來好替國家作大事業以及該族

生活應如何改善生產應如何推廣組織應如何嚴密他如對政府之信仰漢回民族之融洽無不懇切詳盡聽者頗爲感動最後囑其歸帳幕時轉達未到頭目及該族民衆以其無負政府殷殷求治之企望

十一一般觀感 本縣教育已每保一校而有餘不能不謂政府及教育當局已盡一番力量而設備簡陋師資不良不無遺憾人民知識似乎落後對政府法令多存觀望心理而各保甲長智識淺薄甚至目不識丁者在在皆是欲圖增進行政效率實有召集訓練之必要卽各校教員亦須利用寒暑期間設立研究班加以切磋磨練以收指臂之效至若番地各族因政府並未明令劃歸何縣管轄現任由某勢力驅使幾成爲無政府狀態如欲政府法令達到成爲國家有用民族使地盡其利物盡其用則非政府明令劃歸縣政府管轄或另設番地管理局不足以言治也



## 哈薩克

### 一 沿革

哈薩克族分佈於新疆邊境及中亞西亞卽古之吉里吉思族也舊分三部落曰鄂爾圖玉斯奇齊玉斯烏拉玉斯自新疆之塔城縣訖於塔什干皆其游牧之地於乾隆二十二年內附嘉慶以後我國不勤遠略俄人勢力東展於道光時各部先後附俄今屬蘇聯之哈薩克自治共和國居新疆境內者爲奇齊玉斯及烏拉玉斯之一部清時各部設台吉處理事務由郡王一人統治之該族信奉回教習尙游牧逐水草張幕而居不事農業今游牧於塔城額敏合斯托羅蓋等縣

### 二 流竄情形

哈族住於新疆牧地近年爲環境所迫由台吉三人率其部屬二萬餘人

## 臨澤縣志卷二

民

二八

蘭州俊華印書館印

於二十六年竄入甘肅省安西縣之西北部以水草缺乏六畜不蕃逐漸侵入敦煌玉門等縣之南部祁連山中省府爲顧全大局安定後方起見曾設哈民管理局設法安撫終以語言隔閡及駐軍處置之不當以致生計陷於絕境遂流竄於討賴川索賴川及黃番七族牧地劫掠牲畜財物慘殺漢回番各族民衆擾亂地方治安深爲浩嘆

### 三 剿撫問題

南山哈民嘯聚山林成羣結隊在番地及梨園口內搶劫牲畜財物以致番漢民衆驚惶不安章縣長爲優待番民保衛地方治安起見對於遷移梨園避難番民派員妥爲撫慰並令飭威狄鄉集合所屬各保國民兵組織自衛隊近駐西大口青泥溝等要隘以資防禦省府以哈民劫擾影響後方治安電飭各縣垂詢應剿應撫策略章縣長以國家民族觀點上以



撫爲宜當蒙上峯採納擬定安撫辦法茲將有關電文附誌於後

一 省府原電臨澤章縣長查哈薩克民近年擾劫本府正統籌澈底解決辦法仰卽查明屬境何部應剿應撫電復憑核谷正倫保參綏衛卯真印

二 縣府覆電 甘肅省政府主席谷鈞鑒保參綏衛卯真電奉悉遵查侵擾黃番七族牧地哈薩克族計有三部落帳幕八百餘頂男女五六千人現距縣城二百華里之押的拉該大板老虎溝康隆寺拉該河等地其部屬及首長姓名因語言關係無法偵悉依職實地觀察並非該族狡桀好亂實以往駐軍處置不當迫令生計陷於絕境非劫掠不足維生遇漢民尙無怨恨對同胞仇視至深惟該族習尙游牧射獵爲生攀山越嶺又爲特技如派兵往剿誠恐深山峻嶺雖有崎嶇騎道可通而步炮兵

通行匪易若以騎兵征剿部隊少反爲彼所乘部隊多則給養困難且於山區形勢多不熟悉憑險設守不易肅清勢必流爲散匪貽患無窮職意似以安撫爲宜對於流亡哈民應劃撥牧地優予安撫使生計有着當能安居樂業傾心歸誠於國於民兩有裨益是否攸當伏候察核施行臨澤縣縣長章金瀧祕軍綏卯寒印



民生志

民生

(總理遺教)民生就是人民的生活社會的生存國民的生計羣衆的生命茲將臨澤人生活與社會生存概況分述如左

衣服

家尙布褐 亦自織夏則布衫冬惟羊裘富以羔皮貧用老羊皮不著衣面胥以禦寒襖被與袴多縑以毛上駝次羊草帽亦能自織

飲食

富者飲以茶貧者多用鹽漿漿水飲之常食以麥麵黃米小米爲主其稞蕎等糧亦和食之遇佳節具時物凡宴會輩素雜陳

住所

因四時少雨不瓦不甃用松楊木密椽陪楹藉以屋簷覆以瓦墁大門上之木俗名彩尙雕繪前庭客位後舍住宅主房供奉神主男女住兩廂房仕宦家另建祖祠酌用磚瓦

道路

本縣境內僅有公路大車道二種甘新公路橫貫縣境南部距縣城十五公里全長三十一公里寬度九公尺係魚脊形路面均以石鋪平經四次之改善路基堅固共建築木橋十七座能負重三噸東自與張掖接壤之燎烟墩起經明麥渠灘之南溝橋計長六公里西經張掖縣之沙井子瀕波渠至大沙河（即响山河）界牌入縣境經沙河鎮藍宋村威狄堡至高台交界之威虜墩全長二十五公里除威狄堡附近約三公里之石灘外其餘均係土路公路經過縣境均係平原無傾斜坡度亦無狹隘東段燎烟



墩沙灘及西段威虜墩荒灘共約十一公里荒無人煙樹木外餘均村莊  
棋布樹木蔥蔭往返行駛汽車係西北公路局或軍用汽車縣境內無汽  
車

縣境內大車道主要者有三

甲南大道

沿甘新公路平行全長三十一公里寬約五公尺以沙河威狄堡爲食宿  
站並有支路通南山要隘梨園口

乙中大道

卽舊日肅甘間之驛路由沙河起西北行經十公里之草湖廣屯堡古寨  
堡逾二公里之沙漠而達縣城全程二十公里以縣城爲宿食站

丙北大道

臨澤縣志卷二

民生志

三二

蘭州俊華印書館印

沿黑河之北岸計長三十六公里寬約三公尺兩側均係農田溝渠縱橫  
水利饒足樹木蔥籠村莊極密東自張掖縣屬之高崖子起經縣屬之明  
沙平蘆板橋柳樹黃家平川三渠四渠等堡至五渠入高台界以板橋爲  
宿食站本縣境內交通工具均係木輪大車以牛馬駕駛日行三十公里  
騾馬大車每輛能載重六百五十公斤牛車能載重二百五十公斤

平民工廠

民國十六年五月成立縣委任廠長一員李登瀛助理一員濮希堯均義  
務職籌捐銀洋一千圓以備開辦購買材料並匠人工價嗣因基金過少  
不敷運用遂歸於建設局

因利局

民國十三年成立經理員韓國棟李登瀛會計杜芬洲賈永秀縣長榮若



愚籌捐銀一百元縣長梁濟西捐銀二百元商會公捐銀三百元十四年  
甘州鎮守使署營長馬紹文捐銀一百元十六年縣長方光策捐錢一百  
串文此款發無業平民一分行息以謀生計嗣因平民無力交還本息停  
辦

### 農貸

我國辦理農貸在民國二十年以前爲江蘇農民銀行及上海儲蓄銀行  
創始當時爲一種試驗及小規模的推動性質其影響於農村經濟方面  
者甚微至民國二十二年四省農民銀行成立農貸業務始有初基至民  
國二十四年及二十五年中國農民銀行成立全國普遍性之農貸機關  
於焉始成惟當時內亂方殷外患日蹙農村凋敝至不堪言農民疾苦多  
端大皆需要資金之接濟故自民國二十六年以後全國農業放款增加

農貸主要對象的合作社亦因農村普遍之需要日行發展民國二十八  
年中國交通及中央信託局參加農貸民國二十九年四聯總處設置農  
業金融處規定農貸辦法統籌全國農貸業務而全國擴大農貸之聲不  
絕於耳此種發展實由於全國普遍之需要及一致之要求所致也自二  
十四年蘭州中國農民銀行成立辦理甘肅農貸以來各縣合作社日益  
增加臨澤縣慘遭民食五之兵燹農村經濟枯竭良田荒蕪合作事  
業雖自二十七年由省農村合作委員會派合作指導員來縣創辦各鄉  
成立互助社惟以款額有限仍不能救濟農民困苦發展農村經濟二十  
八年互助合作社一律改組信用合作社計五十九所社員四千三百五  
十八名圖書公用合作社一所社員三百七十九人灌溉生產合作社一  
所社員二百二十七人紗布生產運銷合作社二所社員四十五人全縣



共組合作社六十三所社員五千一百零九人合作貸款為二十萬零七千四百四十元內灌溉生產合作貸款四千元外餘皆信用貸款茲將三十年度各鄉鎮合作概況統計表列下

鄉鎮名	保數	社數	社員數	社股數	公積金	公益金	儲蓄	金貸款數	備考
蓼泉鎮	三	三	七六〇	一六〇八	一〇〇〇〇元	九〇〇〇元	三三〇〇元	四一八〇〇元	
沙河鄉	一三	一一	八六二	一七五八	九八〇〇	七〇〇〇	一九〇〇〇	四〇〇〇〇〇	
鴨暖鄉	九	一一	七八〇	一五六〇	九七〇〇	八〇〇〇	一七〇〇〇	四五六〇〇	
威狄鄉	一一	一〇	七四〇	一四八八	六〇〇〇	三〇〇〇	一九五〇〇	三三〇〇〇〇	
平川鄉	一一	一一	七八〇	一五六〇	五〇〇〇	二八〇〇〇	一八五〇〇	二七三〇〇〇	
板橋鄉	八	七	七八〇	一五六〇	三〇〇〇	三〇〇〇	一七五〇〇	一六二〇〇〇	
合計	六四	六二	四七三〇	九五三四	三三〇〇〇	二八〇〇〇	一三三四〇	一〇三三〇〇〇	



水利志

河水

黑河水引灌一十七渠城北曰撫渠渠分合臨澤渠灌田八十一頃一十九畝有奇城東曰小新渠灌田一十五頃八十七畝有奇城西北曰新工渠分上下二號灌田二十四頃一十七畝有奇城西曰小魯渠灌田四十六頃五十五畝有奇城東曰鴨翅渠灌田六十一頃六十九畝有奇曰泉渠灌田二十一頃三十二畝有奇曰清源渠灌田一十五頃三十二畝有奇曰永安新安兩渠灌田八十八十七畝有奇曰水濟渠灌田八十八十七畝有奇曰明麥渠灌田二十九畝有奇河北東曰昔喇下壩渠灌田四十六頃二十七畝有奇有奇曰一曰板橋渠一曰板昔喇渠灌田四十三頃一十八畝有奇

臨澤縣志卷二

三

頭壩渠灌田二十四頃六十四畝有奇又城北曰二壩渠灌田一十二頃五十九畝有奇曰三壩渠灌田六十六頃六十七畝有奇城西北曰四壩渠灌田七十頃五十畝有奇城東南曰東河渠灌田一百四十八頃四十一畝有奇曰早兀喇渠灌田二十三頃六十九畝有奇曰通濟渠灌田三十一頃四十五畝有奇曰化普渠灌田三十五頃二十八畝有奇  
 响山河水 引灌十渠俱在城南曰威狄渠曰委時渠灌田四十三頃六十九畝有奇曰德安渠灌田二十三頃二十畝有奇曰古集渠灌田四十頃五十畝有奇城東南曰土軍渠即豐安渠灌田七頃二十二畝有奇曰倪家渠灌田二十頃七十三畝有奇曰橙槽渠灌田二十六頃八十四畝有奇曰小彩渠灌田九頃五十七畝有奇曰梨園渠分南北二渠灌田一十九頃四十九畝有奇曰舖加渠灌田二十五頃五十畝有奇



泉水 引灌三渠俱在城東曰九眼泉渠灌田二十八頃六十八畝有奇  
 曰五眼泉渠灌田五十頃八十四畝有奇曰雙泉渠灌田二頃三十二畝  
 有奇

黑河水响山河水及泉水共引灌三十四渠茲將各渠渠口起止地段長  
 度流向開始年月列表於左

臨澤縣水利調查表

渠名	別起	止地	段長度	流向	灌溉畝數	開始年月
臨澤渠	開口於黑河南岸自鴨暖	鄉昭武村起至振興村止	自東向西計長三十里	灌田八千一百一十九畝有奇		
小新渠	開口黑河南岸自暖泉渠	起至政治村止	自東向西計長三十里	灌田一千五百八十七畝有奇		
新工渠	自黑河永豐村起至三丁	堡止	自東向西計長一十五里	灌田二千四百一十七畝有奇		
小魯渠	在黑河南岸自人和村起	至雙泉村止	自東向西計長二十五里	灌田四千六百五十五畝有奇		
鴨翅渠	在黑河南岸開口自永安	村起至鴨翅村止	自東南向西北計長三十里	灌田六千一百六十九畝有奇		
煖泉渠	在黑河南岸開口自葫蘆	渠界起至煖泉村止	自東南向西北計長二十五里	灌田二千一百三十二畝有奇		
新安渠	自黑河塔見渠起至新安	村止	自東南向西北計長三十里	灌田四百八十七畝有奇		
永安渠	自黑河南岸張掖縣永	豐渠界內起至永安村止	自東北向西南計長二十里	灌田四百餘畝	道光二十八年開	
葫蘆渠	自黑河瀾波渠起			灌田一千五百三十二畝有奇		
永濟渠	自黑河瀾波渠起至永濟	村止	自東南向西計長二十五里	灌田八百八十七畝有奇		
明麥渠	自黑河毛家灣起至經六	閘村明麥下號止	自東南向西北計長七十五里	灌田六千九百零九畝有奇		
昔喇渠	自黑河高岩子起至板橋	西灣止	自東向西流計長三十里	灌田四千六百二十七畝有奇	明嘉靖年間楊巡撫開	
板橋渠	自黑河高崖子起至板橋	西灣止	自東向西計長三十里	灌田四千一百一十八畝有奇		
頭壩渠	自黑河平葵堡起至柳樹	堡止	自東向西計長二十五里	灌田二千四百六十四畝有奇		
二壩渠	自黑河板橋堡起至平川	堡止	自東向西計長二十五里	灌田一千二百五十九畝有奇		



三壩渠	自黑河柳樹堡起至四壩東止	自東向西計長三十里	灌田六千六百六十七畝有奇
四壩渠	自黑河平川堡起至五壩東頭止	自東向西計長三十里	灌田七千零五十畝有奇
梨園南溝	自响山河南山關棚起至南台子止	自西南向東南流長二十里	共灌田二千九百四十九畝有奇
梨園北溝	自响山河南台子起至梨園堡止	自西北向東南計長二十里	
橙槽渠	自响山河梨園堡起至橙槽渠尾止	自西向東流長二十五里	灌田二千六百八十四畝有奇
小彩渠	自响山河梨園堡起至小彩村止	自西向東計長二十里	灌田九百五十畝有奇
倪家渠	自响山河橙槽渠起至倪家村止	自西南向東北計長二十五里	灌田二千零七十三畝有奇
威狄渠	自响山河梨園堡起至西海村止	自東南向西北計長六十里	灌田四千三百六十九畝有奇
豐安渠	自响山河倪家渠起至豐安村止	自東南向西北計長二十五里	灌田七百二十畝有奇
德安渠	自响山河豐安渠起至德安村止	自東南向西北計長五十五里	灌田二千三百二十畝有奇
古集渠	自响山河豐安村起至古集村止	自東南向西北計長五十里	灌田四千零五十畝有奇
臨澤縣志卷二	水利志		
舖加渠	自响山河化音渠起至厚生村止	自東南向西北計長六十里	灌田二千五百五十畝有奇
東海渠	自响山河倪家村起至東海村止	自東南向西北計長四十五里	灌田一千四百四十畝有奇
早兀渠	自响山河倪家村起至早兀村止	自東南向西北計長四十五里	灌田二千三百六十九畝有奇
通濟渠	自响山河倪家村起至花園村止	自東南向西北流計長四十五里	灌田三十一百四十五畝有奇
化音渠	自响山河豐安村起至化音渠尾止	自東南向西北流計長四十五里	灌田二千五百二十八畝有奇
五眼渠	自五眼渠梁家湖起至五泉村止	自東南向西北流計長三十五里	灌田五千零八十四畝有奇
雙泉渠	自雙泉梁家湖起至雙泉村止	自東南向西北計長一十里	灌田二百三十畝有奇
九眼渠	自九眼泉梁家湖起至德村止	自東南向西北計長二十五里	灌田二千八百六十八畝有奇

附記

- 一 此表係依縣府檔案三十年水利調查表詳列
- 二 小新渠分上下兩號在上者上小新渠在下者下小新渠



三板橋渠民國十一年梁縣長濟西改爲惠隆渠

四 永安渠二十八年張掖縣屬永豐渠農民陳鴻壽等地段內新開

### 渠口

黑河由張掖龍首堡鶯落峽出山西岸首開明麥渠餘東西鱗次响山河水由梨園營南山冰溝門出山首開梨園南北兩渠餘遞北接開又縣城東南之東海早兀通濟三渠自張掖縣溫波渠開口橫灌沙河而西有時亦引响山水補灌惟五眼九眼雙泉用本泉之水其灌溉田畝自清乾隆十九年起截至中華民國十七年止節年報免水冲河跌等地共四百七十七頃

### 疏通水利碑文

署甘州府撫彝分府兼管驛站事務加三級紀錄五次覺羅承爲疏通水

## 臨澤縣志卷二

水利志

三七

蘭州俊華印書館印

利勒石存記以垂久遠事乾隆四十三年七月二十四日准 特授甘州府正堂鐘 關於乾隆四十三年七月十五日蒙 甘肅布政司王 批查此案乾隆四十二年十二月內據張掖縣江淮渠民王進貴等沙河接濟渠民王希賢等爲強霸水利閉塞洞口等情具控 憲案蒙批查勘詳議嗣經移會撫彝廳會同張掖縣查勘得張掖縣屬江淮渠係取响山河之水自南而北在沙河接濟渠之上穿塔橙槽而行沙河接濟渠係取黑河之水自東而西在江淮渠橙槽之下直流而通各行各水兩無干涉並無在接濟渠內另開小溝以及水洞形跡亦無案卷可憑遂卽備敘歷年斷案詳覆蒙批如詳轉飭立案仍令勒石存記以垂永遠如再纏訟卽行拿究此繳原詞圖帖抄文糧串備存等因奉此轉飭撫彝廳張掖縣在案正在遵照辦理間緣江淮渠民王進貴等復赴



督憲轅門控告奉檄飭令會同該廳縣等核查將確議詳嗣經卑府行該廳縣等即提集兩造人等會同查訊據原告江淮渠民王進貴陳棟王義李守滿等被告接濟渠民汪希賢張寅張茂等兩造口供確查渠道水利情形並歷年勘斷案卷其沙河接濟渠在萬歷年間該渠自備人工加增正糧告開新渠與江淮渠各有渠道兩不相涉江淮渠所稱在接濟渠內留有小溝水道之處徧查渠身即無溝道形跡又無案卷可憑自應鈞斷未便翻案其王進貴等藐視法紀妄爭水利是以旋結旋捏殊屬刁徒王進貴是爲此案興訟狀頭予以杖責示警其餘陳棟等從寬免究仍取具兩造照舊各使各水遵依附卷勒石存記外但是否允協理合將查訊過緣由錄供詳請

憲台俯賜電核批示飭遵在案旋奉

臨澤縣志卷二

水利志

三八

蘭州府印書館印

督憲批飭如詳轉飭銷案等因相應遵照斷案勒石存記以垂永久云爾  
乾隆四十三年歲次戊戌菊月中浣望五日穀旦立

違規築壩爭佔水利碑文

甘肅甘州府

甘肅巡撫兼理茶馬那

案驗准刑部咨准案查張掖縣民徐

欽命署理甘肅等處提刑按察使司按察使兼管通省驛傳事務嚴案奉

欽命兵部尚書兼都察院右都御史總督陝甘等處地方軍務兼理糧餉兼管甘肅巡撫事兼理茶馬那案驗准刑部咨准案查張掖縣民徐得祥王元愷等違規築壩爭佔水利一案緣張掖縣西接濟渠毗連處所在皆有黑河一道自南山發源至鶯嘴分爲十二渠東面盈科大滿小滿古浪平順馬子等六渠屬掖縣農民灌田西面永利大宮城北瀕波四渠



亦係張掖縣水道惟明麥沙河二渠係撫彝廳民引灌該十二渠由鶯嘴崖下東西並列迎流受水其河身一律平坦引水均勻因張掖之馬子渠坐落在東面各渠之尾雖引水較細向來亦照舊規順其自然不許更改爭競嘉慶十六年六月朔間張掖東六渠農民藉黑河東西崖土倒塌以致妨礙水利該張掖老農李運張玉率同衆農民齊集工夫卽挖深溝一道計長八十餘丈挖出泥土順推河中成渠使水歸入東六渠暢流致西六渠水勢細微經撫民王秉乾武蘊文鄧智等控經張掖批飭新溝一律填平照依舊規分水李運等觀望未填王秉乾控經本廳會同張掖縣訊明仍斷令李運等填平新溝隨至鶯落崖會同傳集人夫督率填溝乃張掖縣民徐得祥王元愷希圖霸水卽復違斷向前攔阻填溝因其恃衆抗官經本廳會同張掖縣通稟批飭解犯赴省審辦尙無同謀糾衆情事審

將徐得祥王元愷從寬均發往新疆充軍以儆刁頑李運張玉並無違斷糾衆情事照不應重律加枷號兩個月示懲該處十二渠仍斷令各照舊規並列引水嗣後均不得更改舊章私開渠溝以杜爭端所具各遵結詳奉

上憲部奉准

刑部咨覆照辦立案飭知到廳合行曉示各該渠一體永遠遵照毋違特示

嘉慶十八年歲次癸酉二月二十九日勒石

開渠引水德行垂後序

今夫穿渠引水策邊安民者出於國家之爲民計也易而出於民之自計也實難何難乎難乎其地與人耳使未得其地不可以通水利既得其地



而不得其人亦未使水到渠成衆民咸霑澤潤之資也若我古集渠開始以來卽有渠引水灌田上承國賦下厚民生殆有年矣迄今世遠年延沙淤石塞時逢山水狂漲每至渠岸決崩生民急務莫切於此渠衆士民孰不對此而惕然哉究之築岸救急者多多益善建策久遠者落落難合孰意天心有悔禍之機人事有嚮明之會故於道光二十七年間一渠士庶齊集公所衆念渠水命脈所係國課攸關衆議公委渠中士庶諸翁以任其責焉夫諸翁俱屬世族之名流均爲渠中之偉望者也尙其躬應衆委卽法上中之策大展淪浚之能或什工而度費或順流而築堤或智慮周詳運謀畫策不致遺笑於渠隣或躬負勤敏率衆督工亦無致嫌於衆庶同心創建協力於修於本渠之旁復開新渠一道旁引餘波收入近防舊岸洩崩又且水漲分注浪靜合流水勢自茲調勻土壤於斯豐潤而後多

多之稼上上之田復復見於今茲耕圖式固國課咸承遂流傳於變禩凡此者若非諸翁之才德兼優而何以建此經遠之策爰立不朽之功以昭著於一渠四號之間哉今此渠深岸固流長流所謂有志者事竟成也渠衆士庶不忍湮沒公議渠中上下各立鴻額於公廟以誌諸翁之善故三四二號士庶囑予爲序予不文謹如其諸翁之雄才足式概揚夫諸翁之大德焉聊陳短序以昭來敍云爾

張掖縣儒學庠生宋兆龍文明撰書

創修臨澤縣三工堡濶家橋固遠闔洞碑序

事有關於國計民生者凡屬國民皆宜提倡興修期收實效在昔洪荒之世洪水爲患大禹提倡治水順地勢而疏通決排至今東亞大陸田賦膏沃民享粒食安居之樂者孰不嚮首而頂祝也哉我



陝甘青寧剿匪總司令部主席劉公蒞任以來關心民瘼對於農田水利三令五

申時加提倡文彬奉令承乏斯邑卽本主席之意旨切實辦理查臨澤三工堡迤北與高台柔遠渠毗連因柔遠渠身寬岸高三工堡地勢低窪每至夏令河水暴漲而各渠餘水溢注於三工堡一帶無由排洩致使良田膏壤多成澤國居民被害國賦亦受虧損該堡公民濮鴻澤等屢欲設法消除此患因與柔遠渠民意見不同屢興訟端待至民國十五年經甘涼安肅兩道印委擬具鐵管閘洞辦法以消水患而解糾紛既於臨民有益復於高民無損法至良也卒以他故未克實行彬自到任後對於此事時加研究並親往該處再三踏勘總期實行正籌維間據三工堡居民濮鴻澤等以居心纏訟妨害水利等情於十七年三月十四日狀訴高台柔遠渠民徐開文等到署彬加具意見報請省政府核示施行旋於四月二十

### 臨澤縣志卷二

水利志

四一

蘭州俊華印書館印

八日奉

主席劉指令以此案業經提交省務會議議決照十五年所擬鐵管閘洞辦法由

省政府派員前往會同高臨兩縣長卽速辦理等因未幾楊委員希孔奉命抵撫卽訂期會同高台縣三面勘查畢楊委員復赴高台縣同仇縣長准開導柔遠渠民化除意見幸各深明義禮竟舉公民代表王道成蔣開業權執中李培桐等慨然出具鐵管閘洞同意甘結並隨楊委員仇縣長同來撫署與彬暨三工堡公民代表濮鴻澤濮興榮濮朝貴濮善文等會商修洞辦法當由楊委員擬具雙方應行永遠遵守條文六條逐一提議均經雙方公民代表妥慎參商劃押通過並照錄兩份分存高撫兩縣縣署備案仍由彬與高台仇縣長同楊委員會銜呈報



省政府備案當飭濮鴻澤等備辦鐵管木料鳩工興修經彬等親臨渠岸督工修築未及半月而工已告竣積水自此洩除懸案從而解決三工堡數十戶居民永無水患國課不致空懸實於國計民生大有裨益溯厥由來皆由我

陝甘肅寧夏總督兼理川邊總督劉公郁芬提倡水利不留餘力有以致之也而當

事諸公如楊委員希孔最爲此案出力之人仇縣長准暨彬等均與有榮矣謹撰燕詞泐銘於石以垂永久云耳斯爲序

臨澤縣縣長胡文彬撰并書

甘肅省政府印委楊委員希孔所擬撫彝縣屬三工堡濮家橋固遠闢洞雙方應行永遠遵守條文刊列於左

計開

臨澤縣志卷二

水利志

四二

蘭州俊華印書館印

第一條 鐵管闢洞定名爲固遠闢洞

第二條 該闢洞興築暨修理所用之工料得由撫彝縣濮家莊地戶自備之

第三條 該闢洞發生破壞或有漏水情事高台柔遠渠民得承認撫彝濮家莊民修理惟不得有礙柔遠渠水利通行

第四條 查修洞地段柔遠渠原寬連渠岸外底三丈五尺原深由渠岸起二尺八寸茲爲防範後患起見規定寬四尺深三尺五寸爲準渠岸渠底設石爲記以後不得寬闢深挖致礙水利

第五條 該闢洞鐵管規定長五丈五尺徑口八寸外以木鑲下於距柔遠渠底深四尺處爲準

第六條 闢洞修起後在濮家橋附近設石碑刊敘修洞之經過暨修款



以及雙方代表之姓名以誌永久

督修渠工委員楊希孔

創開新工渠碑記

河西極邊僻地方自明季嘉靖年間撫獎新添三工三堡同力公創一渠兵食民生皆於是乎托命焉嗣因二堡坐落下號節年澆灌不週田多亢旱國賦民生恐失所望至於國初順治十二年間適有掌印崔公巍者解組歸田與父老話及桑田思欲告改新渠以便澆灌遂協同渠衆濮天湖戴王命等懇請

欽差巡撫都御史佟批仰 欽差分巡西寧道楊轉示欽校平川等處地方守備宋就近督夫修濬二堡自備人力甫尺一月水利大進其撫獎渠上水三十里里竟讓撫獎堡獨使但撫獎渠尾水未通而來水透入新渠

似非便利久遠之計况二堡既遜舊剏三十里之勞又不煩撫獎協濟之力合令自力改修以稍答二堡義讓舊渠之勞至於棚搭橙槽修鑿闢洞着撫新二渠每年甲役各出佚名務期修理完固倘有刁豪抗撓指名告理迄今潤澤均勻雖渠衆集掖之力而徵崔公倡亦無能相與有成也今渠工告竣諸父老欲垂久遠謹記渠工之始末並公之慨然首倡以勒諸石云是爲記

順治十八年九月吉日勒 甘肅廩生井洪福撰書

板橋惠農渠之新開

板橋渠一曰板昔喇渠舊分二閘上因鳴沙平變二堡之地適當此渠之上游水勢平緩足資灌溉但流至板橋水淺渠狹不敷分灌近數年來頻遭亢旱民國十一年縣長梁濟西提倡別開新渠以興水利命名曰梁公



渠及工程較大雖經營屢年尙未成功迨十八年秋季板橋農民祝天福等呈請

臨澤縣政府派員督修以期早日竣工俾免功虧一簣事上蒙縣政府縣長葉批准委令建設局局長白鳳翔等前往督修以竟全功矣督夫修理月餘規模粗具試引河水孰意水流至閘洞因地形稍低淤而不上遂以價購買平鳴二堡田地數十畝並由葉公令飭第五區區長馬受乾徵集東五堡及鴨暖等渠民夫派員督修開鑿兼旬終以工程過鉅財力有限未竟全功自葉解組後板橋村民衆久經工役其力已竭開鑿工程無形中輟於二十七年春復經祝天福呈請修築當由縣長王存德會同合委會視察員段永泰前往視察倡導組織灌溉生產合作社由農行貸款四千元備充修渠經費修治兩年仍未竟工三十年四月章縣長金灌蒞任

臨澤縣志卷二



水利志

四四

蘭州俊華印書館印

後爲完成渠工俯徇民衆之請求當即徵集板橋鄉各保民夫五百名派警佐楊廷邦督修月餘開鑿工程業已告竣當即試行放水惟以渠身過高渠口太低導引河水不能暢流本年春復由章公躬往視察以爲整治之依據依攷察結果擬定辦法呈報省府核示重加整頓以期達到目的而後止此渠名曰惠隆亦係縣長葉公之意也

茲將令委督修此渠之令文附錄於左

爲令委督修事照得民以食爲天田以水爲本緬前代鄭公穿渠澤普民衆李郎鑿堆利濟全川案據毓秀太和各村首人祝天福等懇稱該各村三堡三堡一渠水利維艱另開新渠一道工作已歷八年伏名太少功用弗成懇祈准諭第五區區長商撥東西鴨暖各渠幫伙合作以充前功閻堡沾恩等情據此查相友相助親睦之道况事關水利所有附近鄰友更



宜協助玉成除批示照准并易該新渠定名惠農渠令飭第五區馬區長受乾商酌撥伙帮工暨委督修外合亟令委該局長遵照協同分委各員同赴該處會同馬區長受乾撥伙督修以期早日竣工俾免功虧一簣本縣長有厚望焉切切此令

附章縣長擬定整理辦法電文於后

甘肅省政府主席 何鈞鑒竊查本縣板橋村農田清初藉洪山渠渠水灌溉乾隆時山洪暴發渠被河水冲毀以工程過鉅無力修復遂導引昔喇渠尾水以資灌溉迨後河水流細水量不足該村禾苗迭被曬枯於民國十一年由該村首人倡議開鑿惠隆渠終以財力有限工作無形中輟二十八年春經王前縣長倡導組織灌溉生產合作社貸款修濬未竟全功縣長任事後以該渠開闢十餘年迄未收效當即俯詢該村民

臨澤縣志卷二

水利志

四五

蘭州俊華印書館印

衆之請求徵集板橋鄉各保民伙五百名派員督修開鑿工程雖已完竣惟以渠身太高渠口過低導引河水不能暢流縣長爲完成渠工振興水利起見於六月復往視察而爲整治之依據依此次攷察結果擬定辦法如下

一 勘測新渠 查惠隆渠渠工開鑿多年不能導引河水究其主因實以過去未經測量盲目施工以致勞而無功徒耗民力深爲遺憾擬懇委派水利技專人員來縣勘測可否繼續督導修濬以竟全功

二 加強舊渠 查昔喇渠計長二十五公里明沙平樊板橋三村農田均藉該渠渠水灌溉惟以灌溉區域廣闊渠道太窄不能容納多量之水且水規又極紊亂恆至灌溉時期往往釀成爭執如新惠隆渠經實地測量高低懸殊難以成功時擬徵集該各村民伙將昔喇原有渠道寬闊



二公尺

計四公尺深濬一公尺

計一公尺使水量增加並按各村地畝平

均分水詳定水規以昭公允而息爭端即明沙平穩板橋三村農田亦可

永免旱虞之虞也所擬是否攸當（詳分詳見政府外）請電呈察伏候示遵代

理臨澤縣縣長章金瀧叩秘民建已陷印

甘肅省臨澤縣振興水利計劃大綱

甲籌辦理由 查臨澤地瘠民貧雨量稀疎頻年亢旱民不聊生振

興水利洵為目前切要之圖擬即聯絡農民互相協助力謀振興

以免災歉

乙辦理方法 喚起農民興修水道及開渠穿井以廣灌溉而利農

田

丙進程序 一協助農民自行興修二工賑辦法由公家興辦三

補修原有渠渠井泉四勸導各區開渠穿井及修築蓄水池

森林

南山番地森林饒富山谷溝壑間松柏叢生林場面積較大者以暢岡河

柏木林場照壁樹大小黑溝等處為最其小林場較多均係天然林明清

時為保持水源嚴禁砍伐甘州提府鐵有鐵牌懸為厲禁迨後禁令廢弛

濫伐為慮各鄉鎮溝沿河岸莊宅四周沙漠邊緣道旁楊柳榆椿以及桃

杏果木隨處皆有楊柳以平川板橋為最密桃杏果木桑李以沙河鴨暖

為尤盛查造林分天然人工二法我縣森林除松柏榆椿等樹為天然生

成者外其他楊柳等樹純係人工栽種近來注重民生國家提倡林業不

遺餘力公有林除昔年左文襄公在東西大路栽植者外邇來所栽者多

在城關周圍雖土質不良發育稍緩倘保護得法經相當時間則望之蔚



然成林矣

臨澤縣志卷二



水利志

四七

蘭州俊華印書館印



民政志

縣政府

於省政府指揮監督之下處理全縣行政舉凡地方自治之推行社會事業之興革皆以法令爲依歸有時在不抵觸中央及省之法令範圍內得發佈縣令制定單行法規民國十五年縣政府下分設四局

建設局 掌土地農礦森林水利道路橋樑工程勞工公共營業等及其他公共事業

教育局 根據縣組織法掌管教育基金及辦理學校教育社會教育及其他有關教育事項

公安局 掌管衛消防防疫衛生救災及保護森林事項

財務局 管理地方公款公產及其他財政事項民國二十年財務局建

臨澤縣志卷二

民政志

四八

開州浸華印書館印

設局先後裁撤併入縣政科內教育局於二十九年亦裁撤併科民國三十年七月縣府爲完成地方自治奠定建國憲政之基礎遵照實施新縣制之規定組織祕書室民政科財政科教育科軍事科會計室每科設科長一人科員一人僱員若干人

自治

宣統二年陝甘總督長庚奏調回甘襄辦自治統令各縣積極籌備邑宰鄧爾康奉令開辦本縣地方自治先選送申潛赴省立自治研究所肄業以爲辦理縣自治研究所之師資嗣因武漢起義事遂中止民國十一年縣長鍾熙中又籌辦自治選送申潛張爾志白曆年楊含新曹正統赴甘涼道自治講習所講習民國十二年畢業十三年二月縣長柴若愚成立地方地治講習所入所學員三十六人九月間畢業十五年縣長張惠隆



設立自治籌備處劃分全縣爲五區以樹立自治基礎縣城附近之政治振興仁德義和人和永豐雙泉尙義正德復興厚生十一村爲第一區區公所設在縣城以明德交通共和東寨西寨花園梁家福臨福澤六開豐安曉霓大沙十四村爲二區區公所設在沙河以康德樂業至善元泰亭德利益貞靜永茂集賢九村爲第三區區公所設在四埧以宣威南華西海三柳德安上古下古尙武藍采九村爲第四區區公所設在威狄堡以明沙長盛太和毓秀文明立志永安豐安興昌昭武隆盛暖泉五泉爲第五區區公所設在鴨翅渠民二十七年又將五區縮編爲第一第二第三等區鴨暖五泉併爲第一區沙河威狄堡併爲第二區板橋平川併爲第三區民國三十年實行新縣制復將各區改爲五鄉一鎮卽蓼泉鎮沙河鄉威狄鄉平川鄉板橋鄉鴨暖鄉

鄉鎮公所之人員均按照規定設置鄉鎮長由縣府委任之又委區指導員經常指導縣不時前往各鄉巡查各鄉鎮長按月報告中心工作藉此策進

### 自治經費

民國十二年縣長梁濟西因辦自治在縣屬煤炭捐項下加收制錢二百四十仟按照時估易銀八十三兩四錢七分八釐又在舊有書院膏火生息項下酌提庫平銀三百兩以六錢六分七釐合洋五百七十四元九角二分九釐以爲籌辦自治經費自此以後自治費均係按糧分攤

### 司法處

於民國十五年七月十二日奉甘肅高等審判廳令開始成立名稱原爲司法公署所有以前縣知事兼理司法事務全由司法公署辦理其組織



審判官一員書記監一員書記官二員錄事三員承發吏三名經費每年一千六百八十元由糧石項下附加徵收至民國十九年元月一日奉令擴充經費每年二千四百元改由地畝項下徵收由縣政府代為徵收撥交至二十年五月改書記監為主任書記官至二十五年三月奉令改司法公署為司法處人員經費仍照舊惟承發吏名稱改為執達員至三十年經費改由國庫負擔每年增至五千二百零六元所有主任書記官改為書記官原有書記官二員均即裁去並裁執達員一員祇留二員錄事仍為三員又添設檢驗員一員薪水由司法處支領

茲將司法處歷任審判官姓名籍貫列表於左

姓名	籍貫	姓名	籍貫	姓名	籍貫
景國柱	定西	汪度道	河縣	馬元慶	皋蘭

臨澤縣志卷二

五政

五〇

蘭州俊華印書館印

胡師文	平涼	郭曉臨	洮陽	常寬	天水
王承烈	通渭	吳體仁	秦隴	宋正福	臨夏
鄧家謀	廣東	陳生蕃	隴澤	劉發芝	民勤
張福生	安徽	林振華	湖北		

警政

前清光緒三十三年奉文辦理巡警隊二十名舉保總巡副巡長各一名均係義務職嚴拿逃犯匪類保衛地方民國三年改設警備隊二百名隊長二員排長二名總隊長由縣長兼任不支薪俸警兵每名每月發餉二串文隊長並排長每名每月各支薪俸錢二十串文每月共發餉錢五百串文此款由糧草項下撥派民國五年改設警察所一處所長一員由縣長兼任不另支薪警佐一員每月支薪俸錢五十串文又兼教練每月支



錢二十串文巡長四名每月支錢六串文至八串文馬警二名每月每名支錢二十串文警兵四十名每月每名發錢五串文此款均隨糧附加民國十八年七月奉文改組爲公安局局長一員每月支薪俸錢六十串文巡官一員每月薪金二十串文巡長二名每名每月支餉錢一十串文警兵一十八名每名每月支餉錢八串文馬乾及燈油每月支錢七十九串文每月共開支錢三百二十三串文民國三十年六月一日縣長章金瀧整編警察隊督飭警佐按照施訓進度嚴加訓練服裝整齊警察隊官兵原編爲三十六員名是年十月復募補警察六名按月發餉警察隊之設備尙欠完備無槍枝子彈警力不能自衛縣府呈請省政府代購七九步槍三十枝子彈三千發

### 保甲

前清末葉縣令以地方遼闊耳目難周南北山隘口尤多兼之東西大路地當孔道易於藏奸誠恐遊匪勾結本地無賴之徒聚賭漁利擾害閭閻令四鄉舉鄉約保正甲長清查戶口防患未然現在保甲長之責任較前綦重詳載保甲法規此不復贅

### 民團

保衛團於民國十五年二月奉令設立保衛團維持治安由民間挑選壯丁操練不支薪餉以補地方警察之不足其責任稽查匪類除暴安良十七年縣長胡文彬按自治區分設五區取消原日農官鄉約保正縣城設總保衛團團長一名統制各團之壯丁管轄五區各村堡鄉團每區委任分團長一人縣知事爲總監督定有保衛團章程條例暨細則民國二十五年甘州駐軍派員在臨澤編制三個民團三十年奉令裁撤



禁政

本縣禁政已遵照

總裁禁烟計劃如期完成近年來並未發現烟苗及庇種偷種情事縣境內未曾發現販運烟毒人犯及區紳大戶私藏烟土情事經傳戒之烟民並無復吃情形每逢六三禁烟紀念日縣府組隊深入城關附近之商號民家切實檢查亦未查出存土烟具

國民精神總動員及新生活

本縣之國民月會按期舉行縣長分別出席各鄉鎮之月會講解精神總動員之意義藉以振奮民衆之精神增加民衆愛國救國之情緒

新生活運動 縣府規定左列事項次第推行

一整潔街道 一二平坦道路 三廣植森林 四多種棉花 五改良手

臨澤縣志卷二

民政志

五二

蘭州俊華印書館印

工業 六提倡家庭副業 七崇尚儉樸 八敦重禮義 九增加生產

十改良風俗

衛生

平民醫院

民國十六年縣長方光策委任程仲明爲醫院院長嗣因經費無着卽行停辦三十年夏秋兩季縣長章金瀧曾函請張掖衛生院派醫士攜帶藥品到縣普遍實施防疫注射以免傳染病之流行收效不少

牛痘局

自前清光緒六年前撫彝廳杜公恩培任內呈請設立委醫官一名春時點種牛痘並請准將收荻協濟喂養銀二百兩各渠捐銀二百兩共計銀四百兩作爲基金自是年九月起發商一分行息每年共得息銀四十八



兩作爲牛痘局經常費

### 賑恤

炒麵廠 民國十六年十一月成立炒麵廠推選魯秉禮馬永駒曹正統王天佑尹良令濮朝彥等爲經理員皆義務職縣長方光策提倡在冬賑項下撥銀洋八百九十一元糴買小麥青稞磨炒麵施散飢民之用此款盡數開支無存

救卹院 民國十六年十一月成立縣委王天佑爲院長王培林爲協理員救養鰥寡孤獨殘廢貧民男女二十七丁口其經費由賑災項下撥銀洋四百五十元錢三百三十六串零七十文以爲常年經費糴米麵代價在內十七年十一月縣委杜芬洲爲院長院內經費曾由縣長陳萬選籌撥銀洋一百元卹養衰老男女一十七丁口

### 計政

我國歷代自有度量衡以後一朝與一朝不同一代與一代不一既經各朝代之改革變遷仍然參差不齊不能統一結果使人民感覺困難尤其自民國以來海禁大開我國對於歐美之往來交易極爲密切故各國所用之萬國公制已促成我國採用市用制之前趨迄至民國十六年國府奠都南京十七年公佈權度標準方案各省先後採用新制而完成全國度政劃一政策本省自民國二十六年起着手推行由省城漸及各縣本縣於民國三十年四月成立度量衡檢定分所由縣城開始施行至今已由城市而普及於鄉鎮茲將度量衡新舊制列左

臨澤縣度量衡比較度營造尺當裁尺九寸六分量倉斗較市斗每斗小四升四合衡庫平較市平每兩大二分七釐新舊制之折合一市尺合舊



市尺一尺一公尺合新市尺三尺一市斗合舊斗三升七合一舊斗合新市斗二斗七升一合一市斤合舊斤十三兩五錢一公斤合二市斤

臨澤縣度量衡檢定分所成立於民國三十年四月二十八日

### 人事經費及檢定所之組織

查修正各縣度量衡檢定分所第三條之規定度量衡檢定分所置主任一人檢定員一人事務員一人勤務一人至三人其經費每年每月多不過一百元在地方預算項下開支

附縣長章金瀧擬訂有關民生計劃

### 建設

#### 一 擴大植樹

本縣土地遼闊氣候乾燥極應發展農業以盡地利惟查以往雖有植樹

計劃之擬訂並參酌地方實際情形特以下列標準切實推進以冀全部實現

甲提倡命樹 凡河岸渠堤宅邊道側荒灘等處均宜栽植並以各戶

人口率爲準不分男女老幼每人須植一株

乙普設苗圃 各保應利用公地或荒地每保須育苗一畝

丙道旁植樹 凡各鄉鎮大道兩側依所轄區域分段栽植以資調和

### 氣候

丁泉源植樹 凡五眼九眼等渠泉水源頭灘地應由各該渠民衆遍

植楊柳以維水量

戊植樹防沙 板樹平川二鄉北毗沙漠應植防沙林應由該鄉督飭

各保繼續栽植以免流沙侵壓農田



已培植環城林 縣城南之荒灘栽植楊柳由機關法團公務人員栽植以綴風景

## 二 嚴定保護林木辦法

查本縣擬於三十一年度植樹二十萬株依上年試驗結果栽植冬苗極爲適宜應飭各鄉鎮普遍推廣並按照甘肅省保護森林辦法之規定凡各處栽植之樹除縣府派員隨時梭巡外應責成當地保甲長鄉鎮長切實負責督飭民衆灌溉保護如有乾枯損壞一株情事惟該管保甲長是問並究其植樹戶長以收保護功能

## 三 推廣棉田

本縣土地太低屬黑河流域之沖積土極爲肥沃經數年提倡植棉收穫尙佳今後應督導民衆廣爲種植接地畝十一之標準應種棉二萬畝以

## 增棉產之效率

## 四 繼續履行公共造產

查各鄉鎮保公共造產雖已實施事屬創舉成效未宏今後仍本前擬計劃督飭各鄉鎮植樹一千株墾種荒地十畝植葦五畝保各植樹一百株墾種荒地五畝植葦三畝切實推進期收宏效

## 五 提倡植葦

本縣黑河兩岸各鄉鎮保水量饒足湖灘甚廣應督飭各鄉鎮保民衆廣爲栽植以盡地利

## 六 獎勵墾荒

本縣荒地面積極廣水利大都充足應獎勵民衆儘量墾荒以期增加農產而充國力



## 七 修築公路

本縣境內甘新公路有陷落不平之處隨時徵集民夫派員監督興修以利軍運惟縣城至沙河之蓼沙公路雖擬定修築因農忙未果今後於農暇時應徵工修築以利交通

## 八 修治鄉村車道

本縣境內大車道主要幹綫有南北中三路前雖修治現路面多陷落不平有礙運輸今後應於農暇時徵工修治並擬築堅固木橋以利交通

## 九 開闢及整治水渠

本縣水利均藉黑河响山河泉流及祁連山雪水灌溉農田惟各渠渠道雖於清明節前後由各渠徵集民夫修治惟管理鬆懈泥沙淤塞之處未能濬深影響水流速力擬各渠施工時由本府派員督工修治以增水量

## 臨澤縣志卷二

民安志

## 五六

蘭州俊華印書館印

惟板橋新開之惠隆渠前雖組社貸款修築並徵集該鄉民夫五百名派員督修因技術人員缺乏勘測甚不精確至今尙未完成擬請水利林牧公司派員來縣督導俾竟全功如該渠完成後匪特板橋村荒地可以墾復將來延長水渠則大小莊之荒地萬餘畝亦能開墾矣

## 十 提倡開礦

本縣南北二山之煤炭蘊藏極富以資缺乏惜未開採擬勸導民衆合資開採以增生產而裕稅收並組織煤礦業同業公會以謀業務之發展並建議政府應在南山番地設一林礦畜牧指導處派技術人員指導礦工改良土法並調整金礦以謀產量之增加耳

## 十一 改良紡織

查本縣產棉甚豐紡線織布係農民之副業因資財技術關係無專營之



廠商惟品質粗劣只供本地之用不能外銷今後應督飭民衆改良紡織以利運銷

## 十二 提倡農村副業

本縣土質多含砂土最宜栽植果木應督飭民衆依沙河鴨翅渠之園林示範廣爲培植並勸導各村婦女編製草帽畜養雞豬牛羊以謀農村經濟之發展

### 合作

#### 一 推進合作事業

查本縣土地肥沃物產豐富慘罹民念五之兵燹農村破產經濟枯竭雖蒙陸續增撥貸款十九萬餘元而民間金融稍事活動惟以款額有限仍不能發展農村經濟增加後方生產縣長爲明瞭農村經濟實況叠經親赴鄉村實地考查所履之地大都經濟枯竭良田荒蕪地利未盡深用慨然依據考查所得情形實有進一步推行合作事業之必要擬請撥增量貸款擴大農村生產組織以資發展地方經濟充實國力

子增加信社貸款 查本縣信用合作社雖普遍組織以款額有限農

民不無向隅今後應增加各信社貸款以資救濟而增生產

丑組織畜牧合作社 查威狄鴨暖等鄉有廣大草湖水草豐茂應組織畜牧合作社三社以謀畜牧事業之發展

寅組織李棗運銷合作社 本縣沙河鴨翅渠等地盛產李棗品質極

佳因農村經濟枯竭多於夏間以賤價出售張高等縣商販以致權

利外溢亟應組織梨棗運銷合作社六社以謀利權之挽回

卯組織棉業產銷合作社 查本縣鄉村普遍植棉極應組社推廣棉



產並以鄉鎮爲單位組織棉紡生產社六社以謀棉產之增加紡線織布之改進

辰組織米麥運銷合作社或聯合農倉 本縣年產大麥小麥黃小米等甚豐惟地方素無市場於秋收後農民大批運至高台張掖賤價出售影響地方經濟匪淺今後應組織運銷合作社或鄉鎮聯合社聯合農倉以謀農村經濟之復興而拯農民之困難



財賦志

田賦

臨澤縣原額屯地一千六百九十九頃一十二畝七分四釐內除節年荒  
蕪地四百七十七頃六十四畝四分三釐外實熟屯地一千二百二十一  
頃四十八畝三分一釐又道光二十五年招墾查出額地六十一頃六十  
畝九分六釐奉 文豁免不計錢糧實徵地丁銀一百一十九兩三錢三  
分實徵耗羨銀一十七兩八錢九分九釐內除荒蕪無徵糧一千五百六  
十六石六斗三升八合九勺外實徵糧八千五百八十三石一斗三升二  
合五勺實徵耗糧一千二百八十七石四斗七升一勺額徵草一十四萬  
四千七百五十四束六分一釐內除荒蕪無徵草二萬五千四百七十七  
束四分三釐一毫外實徵草一十一萬九千二百七十七束一分五釐九

毫額外雜賦共應徵銀八十四兩七錢五分一釐

甘肅通志

附清季慕國

興開墾屯田記古聖帝王籌邊之策首重屯田所以充軍儲抒民力也我  
世宗憲皇帝軫念邊民穀米騰貴辦理軍機尤先糧饌崎嶇修阻輓運維  
艱業於口外之赤金柳溝安西沙瓜等處廣開屯種雍正十年特飭甘肅  
諸大臣酌議發帑於嘉峪關口內外柳溝湖毛目城三清灣柔遠堡雙樹  
墩平川堡等處相度宜開墾試種穿渠通流以資灌溉凡所以經水之利  
順土之宜莫不周詳備至即令本處招集屯戶借給銀兩備辦車牛農器  
分年置項借領籽種計日授食俟秋成之後上下平分從公收貯聖澤覃  
敷深恩普被興於雍正元年由粵西平樂守調繁南寧府既而罷任十年  
五月蒙大學士鄂保薦命往陝西委用屯田効力遂蒙川陝總督劉檄委  
專管三清灣開濬之職興念世受國恩涓埃未報因而自備口糧不敢支



領養廉勞苦自甘竭蹶從事查三清灣係甘肅高台縣界上通本縣鹹泉墩下連張掖之威狄堡南北約二十里東西百餘里其地勢南高北低西寬東狹舊有三清上廟因名曰三清灣南有大山卽古之祁連山也自山以南皆生番所居之地牛羊爲產不知種藝縣城南二里外絕無人烟山皆沙磧地盡鹹土不毛計新墾三百餘頃其中上蓋有土沙尺許下係鹹地經水則鹹氣泛上不能播種者有雖非鹹地而土薄沙重者有堅如石田難以犁鋤別曰版土卽令加工耕種一經水泡凝如故不能秀發者有鹹氣雖輕而需水較多於他地周圍二十餘丈經水低陷尋尺土稀非晴曬數月不乾以故上乾下濕誤入其中頗爲費力若牛羸被陷則無法可救聽其自斃而已蓋在成熟之地鹹氣已消土性已定雨滋培長自可坐致秋成若所墾之上縱苗穗茂發一雨之後鹹氣上昇遍地皆白日色蒸曬根爛苦枯終於無成探手入土其熱如火稍入三四寸卽皮縐發泡所謂鹹燒者是也兼之一田之方土情不齊故同時播種而其間有發不發之分發者高大穗實收穫倍於他處不發者毀腐成灰若夫魯便鋤耘芟除根莠原與內地無殊惟澆水法全在驗苗察土各因其性遲早有定候多少有定準稍不經意則黍禾受傷秀而不實者多矣故開墾新地例先泡水候鹹氣入地俟土性將乾然後擺籬播種或用手灑揚迨苗長四五寸許土乾成列始行澆水名爲頭水由是漸次澆灌至收成時統灌不過五六次而揆號輪時先後有節地廣水少每多爭奪至於冬水秋水尤不可誤蓋鹹氣性熱雪水性寒經此可以消降八月至九月中名澆秋水九月半後至十月初旬名灌冬水水入地凍春和融化卽可耕種過此水凝冰厚人力難施矣次年驚蟄後土面稍鬆犁鋤可施春分前後播夏禾種



立夏前後播秋禾種時屆立秋收割夏禾一逢霜降卽割秋禾遲則苗穗  
經霜桴脂籽落再刈三渠道出自黑河河源在張掖縣之大雪山巖深石  
黑故名黑河陰寒水少晴熱水大由水源至山口皆高山峻嶺積雪不消  
人跡罕到抵至三清渠口約計二百九十餘里歷張掖之左脅十六各渠  
至板橋堡分水入渠渠形狀如新月自東至西逆流而上者居半故渠口  
仰迎黑河兩岸夾往其勢迅急方能通流渠口至魏家寨三十餘里土沙  
相半中有流河沙闊一百三十二丈飛沙迷目平日並無滴水天雨則百  
川匯集頓成巨浸渠不能容屢次冲決璵於渠岸兩旁添建東西二閘挖  
開上流分東西二河以殺其勢中道仍奔本渠東西二道入兩閘口水小  
仍令二流入渠以滋屯地大則啓開放水歸入北河水分勢緩口狹堵易  
不致稽誤矣魏家寨至撫綏堡計一十一里中有野猪灣回回溝等處約

五百餘丈渠高勢急北近深灘最易走水故防護倍嚴上至雙泉堡計一  
十五里東名鴛鴦湖闊二百七十餘丈渠從湖直過隄岸難設因見湖內  
有草叢根盤結俗名土垡鄉人所曬以備禦寒之用興將渠之兩岸砌成  
幫沿中用泥沙填實再以柳椿管住迨至土垡長芽柳椿行根則兩相並  
結而渠岸永無坍塌之虞西名麻黃崗計長八百餘丈地形稍高風勢必  
猛一晝夜間積沙盈尺更兼沙隄經水易於冲突復於渠傍用柳椿土垡  
犬牙相錯砌逼水高墩以固其址每隔一丈卽建一堡共成一千三百座  
岸傍插柳二千餘株綠樹濃蔭風迴沙落樹長根行盤結交固矣由雙泉  
至大墩約十八里中有駱駝脖曲折高峯渠深如澗地土性堅難於刨挖  
者千有餘丈此外半在沙山之內故亦種樹以隔飛沙下至渠尾計長二  
十五里其地卽屯田也統計長九十里新舊渠道水去泥存冬日風多飛



沙填積每當開凍土鬆之候通例疏濬名爲挑春溝但其間深淺寬狹務在因地制宜未可畫一而論總以寬挖深挑底平沿厚爲主寬挖則水流勢緩不致中坍深挑則風吹沙聚不患填滿底平則水溜沿厚則隄堅北疏濬之要也土渠之修理恆易沙渠之堵禦頗難而嫌地更須着緊蓋嫌地虛浮雖些小一穴水必旋起名曰鑽洞頃刻冲泛竟無底止非數車草土不能搶塞所當周行審視先事防難者也至於逆流之渠底更須逐漸呈高水流方順若高低不一則高處阻隔而難上低處積滯而不行而相其高下之勢務在就底匍匐逐步詳審乃得其概渠成之後不時查閱每遇大風大雨必飛行防護蓋水擊沿動易於坍塌故風雨之中奔走不敢避飢渴不敢辭者惟恐有負責任之至意也今賴國家洪福地渠告竣計三清灣墾成熟地約二萬餘畝合柳林湖等處新墾屯地約計二十萬畝

自此原隰泉流既平旣德屯戶享樂利之休軍需無轉運之苦萬世永賴用垂不朽以微臣目睹情形躬親其事謹述於左 案三清灣屬高台界聯臨澤水源實由張掖黑河且甘州開屯雖久其發軔情形相同附錄以徵屯政之創始艱辛如是云

甘山道胡某釐剔催科碑記河西額設糧草監收有廳催徵有衛衛之下有千總百總千總百總之下有催旗牢役以任追呼玩者三尺隨之其權尊也若夫民人無或過失渠差之設疏通水利而外皆各盡力於農以輸正賦歷明迄今其制舊矣自晉役滋弊腴民之生每於催科之內巧立濫取之名種種陋規指不勝屈大抵耕獲之所獲納於倉者十之二入於民者十之三而中飽於胥役之谿壑者且十之六矣民安得不窮賦安得不缺催徵安得不擾乎迨催徵之難也爲之官者深求其故則曰以官催民



則爲民害不若以民催民之爲便也而遂以催徵之責歸於民之應渠差者矣夫渠甲之人既不敢於前日濫取之陋規少減毫末而又增其追比之苦每一限及百計營請求寬限一日之限而此求寬其限之所費仍自出之一渠之民於是催旗牢役坐吸民膏更倍於身任催徵而急早輸納者尙可以得免也是故以民催民民應一年之役者一年不得脫其累家產既盡田畝就荒而且鬻妻賣子身無完膚其害爲尤甚焉幸逢我恩憲胡公觀察河西歷經五載冰心鐵面加意恤民革陋規立社學去行戶懲衙蠹利興弊除不能殫述而尤洞見夫以民催民之大爲民累也一切中飽之弊腴削之私嚴飭官役力行禁革是以自公下車以來官無逋租民無失業而出作入息向之疾首蹙額有一變而爲含哺鼓腹之盛矣故夫以民催民者本爲便民之計而不知行之無法卽爲厲民之術以官催民

者猶是取民之制而在公持之有道卽爲救民之仁方今祁連弱水之間板屋之衆得耕食繫飲而士安於庠農安於野者微我公之惠不及此父老咨嗟謀永得意並貽後之官斯土者

清乾隆十五年甘肅巡撫鄂昌奏撥張掖縣屯科地一千六百九十九頃一十二畝七分三釐五毫額徵正糧一萬一千二百四十一石七升九合草六萬二千六百二十二束九分二釐八毫折合小草一十六萬一千零三十束三分八釐八毫內除賦役全書載乾隆十九年並二十二二十四二十六等年報免被水冲崩無從共地一十四頃八十八畝正糧八十七石七斗五升八合小草一千四百三十六束一分二釐又除乾隆二十九

年報免被水冲崩地一頃六十一畝正糧八石四斗八升小草一百九束三釐又除乾隆三十六年報豁被水冲崩地九頃五十畝正糧五十九石



三斗六升小草八百八十五束六分又除乾隆三十八年報豁被水冲崩地一十六頃九十九畝正糧一百六十九石九斗小草二千一百八十四束四分三釐又除乾隆三十九年報免被水冲崩地一十一頃九十三畝正糧一百一十九石三斗小草五百三十三束八分五釐又除乾隆四十五年報免坍沒無存地一百二十一頃九十二畝五分正糧七百五十七石三斗四升小草一萬一千五百九十九束又除卷載道光二十四年報免被水冲崩無存共地一百七十七頃二十八畝五分正糧一千一百一十四石三斗八升小草一萬六千三百一十一束九分三釐又除同治十一年報緩地一百三十一頃七十二畝六分三釐正糧三百六十九石九斗九升七合小草六千九百九十七束五分五釐又除光緒三十年報免河跌無存地二十五頃九十八畝七分六釐正糧一百四十一石八斗四

臨澤縣志卷二

賦志

六四

湖州後華印書館印

升小草二千八百八十六束六分六釐實墾熟地一千一百八十七頃二十九畝三分四釐又收光緒二十八及三十二等年共墾復地三十四頃一十八畝九分七釐正糧一百七十七石四斗八合五勺小草二千一百九十束九分六釐四毫光緒三十三年共實墾熟地一千二百二十一頃四十八畝三分一釐實徵倉斗正糧八千五百八十三石一斗三升二合五勺實徵谷小草一十一萬九千二百七十七束一分五釐四毫民國十四年至二十五年共報免被水冲沙壓地六百九十九頃六十六畝三分八釐五毫豁免糧五千四百零四石零五升八合四勺小草一十一萬一千零一十五束二分零四毫截至二十四年實有地九百九頃四十六畝三分一釐額徵倉斗民糧五千八百三十七石零二升零六勺小草五萬零一十五束一分八釐四毫民國二十五年改屯爲民核減糧二千四



百一十八石一斗二升零六勺小草八千三百七十四束八分三釐三毫  
實應徵倉斗民糧三千四百一十八石九斗小草四萬一千六百四十束  
零三分五釐一毫內除二十九年奉令劃歸高臺縣五埧八九埧等渠民  
糧一百六十五石三斗九升小草二千一百二十六束七分撥入本縣道  
德仁等號正糧八十九石一斗一升六合九勺小草二千七百二十七束  
七分九釐四毫實應徵倉斗正糧三千三百四十二石六斗二升六合九  
勺連同耗餘改徵新市斗糧七千一百五十五石三斗九升五合小草四  
萬二千二百四十一束四分四釐五毫

丁銀 案賦役全書載原額丁銀按照實徵地畝以糧載丁每糧一石均  
載丁銀一分五釐九絲四忽共應徵均載丁銀一百十九兩三錢二分九  
釐五毫民國二十五年改屯爲民新增地丁銀一千七百八十二兩零三

分九釐內除二十九年劃歸高臺縣五埧八九埧等渠正銀八十六兩五  
錢五分復撥入本縣道德仁等號正銀四十三兩七錢七分五釐實應納  
地丁正銀一千七百三十九兩二錢六分四釐每兩以二元六角二分五  
釐計合洋四千五百六十五元五角七分 (二十一年應徵數)

起運 (縣册) 額解地丁起運銀一百十九兩三錢二分九釐五毫內除  
留支禁卒八名一歲工食銀四十八兩正該起運銀七十一兩三錢二分  
九釐五毫照數留支原額夫馬驛餉銀兩訖 (清代滿漢名臣查郎阿傳  
乾隆元年奏言屯田之賦更重於民田昔年糧從地起丁由人出故屯田  
重而丁銀稍輕前督臣岳鐘琪奏將通省丁銀攤入地糧屯田每畝一石  
折銀一兩均載丁銀一錢五分糧輕丁重民戶減除甚多糧重丁輕者有  
增無減請照前奉 旨豁除俟下屆編審將通省新增應完之丁銀均攤



於民戶糧漸補足原額卽行停止永不加賦則以糧載丁之案不必紛更而屯累稍紓

### 王府糧

查有明賦役多端州縣歲收所入以供外郡軍實用或不給則增加鑲練鑲之名王府有護衛百戶等官倍收其租以給諸藩之用凡密邇王地之膏腴者寺人撓害不堪迫獻藩府一地歲收五六租謂之王府糧且州縣日用之費悉仰給里民每里私推一長司其簿籍雖尺布斗粟民悉供焉里長因緣加派大抵官取其一里長取其二謂之當月一邑之中雜然紛糅日不暇給有巡撫巡按巡茶巡鹽苑馬寺卿糧鑲卽中名目甚多鄉民衣食粗完成王府籍其役以賄脫免則廳衛籍之又以賄免則州縣籍之謂之拏富戶於是攜家與產投鄉紳門下以少甦謂之官戶民力幾何奚

## 臨澤縣志卷二

賦役志

### 六六

蘭州俊華印書館印

能堪此我縣王府糧亦有一十餘石名曰鶯落稻粟米旂遺老相傳係先年十四王駐甘走狗放鶯鶯落之地除正供而外復納鶯落稻粟米糧歸甘州府代徵轉解涼州民初府撤縣立又歸張掖縣徵收每年逢秋收之日張掖縣屬五江堡派耆老率領班役前來催徵任意苛索名目甚繁較之正供不啻伍倍民國十七年經納戶趙毓琨等訴呈痛苦於財廳始准由臨澤縣府代徵以免苛索二十三年縣長蔡支華呈請豁免虐政始除

### 倉儲

縣屬臨沙平甘四倉據清季光緒三十三年分清查實儲食斗糧五萬零二百二十八石九斗一升三合六勺內小麥四萬三千二百一十八石四斗一升七合一勺青稞四千二百五十二石六斗二升九合一勺大豆二千七百五十七石八斗六升六合五勺



臨澤倉實儲倉斗糧八千八百一十八石九斗四升五合七勺內小麥七千五百四十六石零九勺青稞一百一十石零四斗八升九合三勺大豆一千一百六十二石四斗五升五合五勺

沙河倉實儲倉斗糧一萬二千八百五十一石九斗六升二合七勺內小麥一萬零四石五斗零九合三勺青稞一千四百零八石五斗三升四合六勺大豆一千二百三十八石九斗一升八合八勺

平川倉實儲倉斗糧二萬六千九百六十石六斗二升二合七勺內小麥二萬三千九百四十四石八斗二升四合五勺青稞二千六百五十九石三升零六勺大豆三百五十六石四斗九升二合二勺

甘州倉實儲倉斗糧一千五百九十七石三斗八升二合六勺內小麥一千五百二十三石零八升二合五勺青稞七千四石三斗

縣府最近民國

臨澤縣志卷二

賦志

六七

蘭州俊華印書館印

十八年倉儲實存倉石小麥六千零七十石四斗三升六合七勺小草無本色均收折價 按以上四倉所儲糧數至民國元二年間由省設國稅廳令行將倉糧盡數糶完迨後則隨徵糶以故倉無儲糧民貧如洗斗價騰貴小麥每市斗價至三十元零五角

義倉 即社糧

社糧清光緒二年縣屬民捐倉斗社糧四千零八十九石二斗一升二合分儲各渠由社正副經管光緒二十七年奉文陸續交入臨沙平官倉倉斗糧二千八百三十三石五斗二升內民欠未還倉斗糧一千二百五十五石六斗九升二合

民國十七十八二年社倉存儲大概數目

共社糧二千六百一十六石五斗三升內民欠二千一百零九石九斗三



升三合四勺實存儲五百零六石五斗九升六合六勺內小麥一百二十  
一石五斗八升七合七勺青稞一十一石二斗二升八合粟米三百七十  
三石七斗八升零九勺二十五年冬紅軍過境將過去社倉積穀全數焚  
燬無案可稽三十年縣長章金灌曾擬定臨澤縣建倉積穀辦法飭由各  
鄉鎮保捐儲公糧以備賑災卹荒之需但以呈奉省府指令仰候統籌辦  
理作罷

### 稅捐

縣屬沙河設百貨徵收分卡一處歷由甘州百貨局派員駐沙查驗偷漏

### 畜屠稅

（縣册）畜屠稅歷爲縣長兼辦原額銀每年六十四兩七錢八分二釐光  
緒二十八年奉文新增六十四兩七錢八分二釐二共解銀一百二十九

兩有閏月之年加銀二兩一錢七分二釐迨至民國以來此項畜稅逐漸  
增加民十八十九兩年每年比較加至七百元又附加賑款洋五十元零  
五角民國三十年增定畜稅爲法幣四千五百元屠稅爲法幣一千五百  
元二共爲法幣六千元連同一成義捐五成特捐全年共計爲法幣九千  
六百元現奉令設局專辦已於是年十一月起移交

官佃 爲補助教育經費起見往年照頭徵收每馬牛一頭收錢二百文  
豬羊每支收錢一百文民國三十年全年包規爲法幣八百元

### 契稅

本縣買契稅率遵照定章徵每年度收入多寡不一完全以實報爲原則  
典契尙未實行收稅絕無需索印紅暗收私款少報地價填寫大頭小尾  
等項弊端他如填發官契紙查催未稅白契悉遵上令切實辦理並無故



意延攔勒索情事

當稅

本縣共有丙等當商三家年納稅共法幣一百二十元又領乙等當帖者一家現尙未奉到當帖

磨稅

民國三十年所發磨帖二十八家計乙等帖三張每張全年徵稅法幣五元丙等帖二十五張每張全年徵稅法幣二元二共總計法幣六十五元

駝捐

民國三十年度所發二十八屆紅字執照一百九十六張共收法幣四百一十八元

縣地方款

臨澤縣志卷二

財賦志

六九

蘭州俊華印書館印

一糧石代徵 民國三十年度預算核定代徵三萬零七百四十六元每元改徵新市斗小麥一斗六升共應改小麥肆千九百一十九石六斗

二地丁代徵 民國三十年度預算核定代徵一萬三千二百一十六元

本年度徵收法幣三十一年按此數每元改收市斗小麥一斗六升應共收二千一百一十四石五斗六升

三臨時攤款 民國三十年度經預算核定爲二萬三千二百六十一元

收付方法

設經徵處專司經徵各期田賦稅款由人民直接上櫃完納後轉交財科出納人員保管遵令開支其開支方法由各領款機關備據請領並將上月請領各書按月咨送財政監理委員會依照預算規定分別審核凡省款除奉令准予撥支外悉數解交甘肅省金庫甘州分庫匯解



公債

民國四年發行國內公債五千元

民國五年發行國內公債二千五百元

民國八年發行短期公債九千元

民國十六年發行有獎公債三萬五千元

民國十八年發行有獎公債五萬元

民國二十六年發行救國公債一萬雙零三十五元

民國二十九年九月發行節約救國儲蓄捐原為二十萬元僅先攤派五萬元

民國三十年發行戰時公債六萬五千元防空建設基金一千五百元春季慰勞捐二千元

臨澤縣志卷二

財賦志

七〇

蘭州俊華印書館印

民國三十年發行七七獻金一千伍百元原分配三千元實獻二千七百

五十九元

民國二十九年發行七七獻金二千七百五十九元

臨澤縣金融漲落調查表民國十八年採訪

類別	前五十年	前二十年	前十年	前五年	前三年	去年	本年
金	每兩換銀二〇兩	每兩換銀四〇兩	每兩換銀二〇兩	每兩換銀二五兩	每兩換銀二八兩	每兩換銀三〇兩	每兩換銀三二兩
銀	每兩換錢一五〇〇	每兩換錢一〇〇〇	每兩換錢一七〇〇	每兩換錢二〇〇〇	每兩換錢五〇〇〇	每兩換錢四五〇〇	每兩換錢四〇〇〇
銀圓	此時尙未通行	每元換錢一五〇〇	每元換錢一八〇〇	每元換錢二〇〇〇	每元換錢四〇〇〇	每元換錢三五〇〇	每元換錢四五〇〇
紙幣	同	同上	同上	同上	同上	不能通用	無法流通

明說 查縣中兌換當民國十七八年間制錢銅元其價格微有高低但銅元比較制錢相差比率高不過一百文之譜現在(即民國二十一年)因制錢之質量較重攜帶不便人皆樂用銅圓制錢遂化為烏有矣表內所列金銀兌換價格係民國十八年調查



